

臨
平
記
補
遺
集顏魯
公家廟
碑字

光緒乙
酉季春
錢唐丁
氏嘉惠
堂開雕

余年甫四齡卽從德清舊廬遷居臨平之史家埭所居有樓三楹其下臨街每歲元夕張燈輒於樓上觀之余擬繪生平所游歷者爲四十圖其第一圖曰史埭春燈卽謂此也咸豐辛酉賊至臨平縱火三日余時避兵上虞之楂浦聞而傷之賦詩云童時所釣遊不與桑梓異阡陌與市廛歷歷在夢寐如何一轉瞬惟賸山光翠他年更訪舊何處黃公肆蓋悽然有新亭之涕焉已而王師騰馳電掃羣盜以次削平余於戊辰歲再至臨平大亂之後新一故術都不可辨余躑躅其閒慨然曰河山不異舉目有風景之殊矣

臨平記補遺序

一

臨平故有勝國沈東江先生所撰臨平志亂後猶有藏弄是書者錢唐丁氏刻入武林叢書而張小雲明經又補其所未備爲臨平志補遺四卷因余舊寓臨平問序於余其書於明以前臨平事實亦略備矣從臾丁氏并刻其書以附沈志之後惟東江乃勝國人故所紀載止於元末小雲補遺止於明末亦循其例然臨平雖小小一鎮市而國朝二百年來史翰林之故里孫文靖之舊居徵文考獻頗有可采倘有爲續志者自當一一載之卽余所謂史埭春燈者或亦可爲臨平一故實乎是余所望於東湖諸君子者矣

光緒十年歲在甲申冬十月曲園居士俞樾書於平
望舟中

臨平記補遺序

二

草創是編蒐輯匪易探討六籍藉之同志史傳山經
藝文輿地新論各陳遺聞斯萃凡所著錄各題姓氏
統列卷末用告來世乙酉夏五大昌手誌

德清俞曲園先生

定海黃以周元同

平湖徐維錕鏗青

錢塘張景雲寅伯

仁和張爾嘉春岫

仁和許郊子社

仁和朱孝淮子香

臨平記補遺題名

海甯許仁杰壬伯

仁和王同同伯

錢塘鄒在寅典三

餘杭孫樹義補山

餘杭孫樹禮和叔

錢塘楊振鎬春浦

錢塘吳慶坻子修

仁和高保康恭甫

仁和周元瑞子雲

仁和魏本存性之

仁和羅渠蟬生

錢塘丁立誠修甫

錢塘丁立本道甫

錢塘丁立中和甫


仁和顧浩養吾

臨平圖

張爾嘉繪

北

南



臨平記補遺卷一

仁和張大昌輯

事記

大昌曰東江舊例凡事之有年月可稽者依年月編之為事記無年月則入附記皆至元代而止明代事僅見辨論中今事記以東江作臨平記為止附記以東江墓為止詩詞亦均終以東江恭讀

欽定四庫全書總目附存類中有沈東江集題曰明處士沈謙撰故於東江入明末東江後事概弗屬

臨平記補遺卷一

一

入

又曰東江舊書事記凡一百有四條附記四十七條詩五十二首詞二首其書始於癸未成於甲申今亦適於癸未議始至甲申而成

晉中宗元皇帝建武元年周卓卜居臨平祠絳侯咸

臨安志周絳侯廟在臨平鎮晉建武元年侯裔孫卓卜居臨平鄉之大姓俞氏因即其地祠侯建炎金人犯境鄉民環廟為柵以守敵仰視旗蔽空書曰漢絳侯周勃皆羅拜遁去自是靈異著聞雨暘蝗疫有禱必應朝廷下其事奉常議見封爵

曲園先生曰余寓臨平久絳侯祠已無考矣而里人所報賽者尚有楚平王廟余始疑楚平王

何以廟食茲土以絳侯祠推之或亦楚亡之後其子孫有流寓於斯者所立乎

又曰吾宗自魏晉以前見於正史者寥寥觀此知晉建武間俞氏固臨平一大姓也考三國吳志有俞和者賜姓孫氏豈卽其後邪今臨平亦尙有俞姓者

大昌曰平王淫昏理不當尸祝然則今之平王廟迨卽絳侯祠之譌歟

梁簡文帝大寶元年張彪將趙稜敗於臨平

方輿紀要梁大

寶初張彪起兵會稽討侯景遣將趙稜等圍錢唐與景將趙伯超戰敗於臨平

臨平記補遺卷一 二

王同曰侯景之變豪傑奮起討賊彪遣稜戰敗
衄爲辱然以視湘東移檄稱太清四年而不能
枕戈泣血厲兵攻讐則彪雖非景敵而其無愧
於討逆大義者固不僅始興太守一人矣

唐高宗皇帝時釋玄覽法師恢拓華嚴院舊址

康熙仁和

縣志

大昌曰沈記注武林梵志云唐高宗時玄覽法師卽其地而恢拓之鑄金銅像三百五十軀書金字涅槃經二千餘卷今據仁和縣志高宗作高祖按玄覽卒於開元時縣志似誤沈記載華

嚴隋末之燬唐之重建則其恢拓似不應僅見於請湖放生也今補出之

中宗皇帝景龍四年盧季詢書龍興院寺碑

涪祐臨安志龍

興院在臨平鎮東唐景龍四年盧季詢書寺碑今不存紹興六年僧慧文募緣重建是時東湖白龍潭連年風濤衝運塘害及蘇湖民田慧文與鄉父老用力修建爲保護之地

大昌曰龍興寺紹興六年重建沈記據嘉靖仁

和縣志謂以太后駕幸妙華庵改賜額龍興然

東江云幸臨平在十二年八月豈豫於六年賜

額哉或歲次有小誤耳今仍縣志舊文是東江

已疑其非蓋涪祐臨安志其時罕觀自胡書農

臨平記補遺卷一

三

學士從永樂大典錄出始有傳本今補錄此以

見唐時已有龍興院名紹興六年祇重修非賜

額而因韋太后臨幸賜額或別一龍興寺與所

謂龍興院非一名未可知也書闕有閒未敢臆

言故紹興六年重建不更複贅

肅宗皇帝乾元間劉晏遣吏勸臨平監民積鹽

唐書地理

志杭州餘杭郡有臨平新亭二監鹽官。食貨

志鹽鐵使劉晏以鹽生霖潦則鹵薄曠旱則土

溜墻乃隨時爲台遣吏曉導倍于勸農吳越楊

楚鹽廩至數千積鹽二萬石有澗水湖州越州

杭州四場嘉興海陵鹽城新亭臨平蘭亭永

嘉大昌侯官富都十監歲得錢百餘萬緡

文宗皇帝大和八年臨平湖竭魚鳥皆死

追昔遊詩集卻到浙

西詩注。案是歲李紳為浙東觀察使，振浙西饑，據舊唐書李紳傳辨見詩紀。

梁太祖皇帝開平三年冬十月高澧舉兵焚臨平鎮

乾隆杭州府志梁太祖開平三年冬十月湖州刺史高澧遣其黨焚燒臨平鎮。方輿紀要高澧以湖州附淮南舉兵焚義和臨平鎮。

張爾嘉曰淮南西川二國於開平初移檄岐王

晉王欲會兵與復唐室高澧舉兵附淮南殆應

檄以為與復唐室計乎似未可以焚鎮少之

後唐潞王清泰間建永慶寺於黃鶴山之陽武林梵志永慶

禪寺在黃鶴山之陽今稱龍居寺唐清泰間建

大昌曰沈記載清泰元年吳越王錢元瓘建安

臨平記補遺卷一 四

平寺於臨平山則永慶之建殆亦元瓘同時並

建者歟

晉高祖天福七年僧佛日築淨業堂武林梵志梅石庵在黃鶴山之

之陽天福七年佛日禪師淨業堂舊址

宋太宗皇帝端拱元年置臨平鎮乾道臨安志臨平鎮端拱元年置隸

仁和县。乾隆杭州府志臨平鎮端拱元年置在仁和县東五十七里。夢梁錄臨平湯村諸鎮市因南渡以來杭為行都二百餘年戶口蕃盛商賈買賣者十倍於昔往來輻輳非他郡比也

大昌曰沈記載唐置臨平監云宋臣張閣言錢

唐江水泛溢壞鹽亭鹽地三十餘里豈臨平監

亦鹽亭耶然山之去海甚遠又似非是按沈記卷二慶元重修石筧條下云臨平鎮南有曹家渠者腴田數千畝去海僅數里屢受漂沒之患又云臨平瀕海大德重修石筧條下云臨平去海甚邇虞其旦夕衝決民有淪溺之患宋之鎮卽唐時監云在山下則海水之至宜矣旣云瀕海又云去海甚遠說殊兩岐況仁和疆域據吳越備史云割錢唐鹽官各半臨平偏東沈記亦有云爲鹽官界其爲鹽亭豈無自耶

仁宗皇帝皇祐三年四月七日蔡襄賞芍藥於臨平

臨平記補遺卷一

五

精嚴寺西軒

梁清標秋碧堂帖
蔡忠惠公詩序

徐維琨曰精嚴寺未見記載蔡忠惠公文集仍作華嚴院不知精字誤否抑臨平別有精嚴寺耶然秋碧堂帖公自書詩蹟固顯然作精嚴也大昌曰蔡忠惠文集賞芍藥詩原注云辛卯四月按乾道志公於治平二年乙巳歲二月知杭州而辛卯歲則爲皇祐三年是賞花賦詩在未知杭州以前宋史稱公乞杭州始以游屐熟經故湖山樂爲重蒞也

神宗皇帝元豐間靖海姚通判築白龍潭隄

黃山谷
集朝請

大夫知吉州姚公墓誌銘公爲靖海人通判杭州州東挾漕河民曰白龍潭岸善決毀民成功公至則築捍水隄於今爲有年六年六十三以某年奉窀穸於錢唐之某原

張景雲曰沈記載許應龍永和塘記云惟永和隄阻臨平白龍潭之險姚公此築實在永和隄之前許云邑有范任二君倡爲義舉蓋未考設

置此隄之始自姚公也

哲宗皇帝元祐四年蘇軾書天宮寶藏四字於佛日

輪藏周必大南歸錄佛日輪藏刻天宮寶藏四字相傳元祐四年東坡出帥時所書

孫樹禮曰安平泉失去人猶有知之者此四字幾於伐檀削迹矣

臨平記補遺卷一 六

徽宗皇帝崇寧二年二月十七日命入內供奉官童

貫重修建臨平山舊塔楊仲良長編紀事本末卷百三十九注云初草

二月十七日載命入內供奉官童貫重修建臨平山舊塔初草蓋據温州報狀

黃以周曰沈記載蔡準墓引西湖志餘云京築塔山頂又云大觀四年嘗奏京修塔惜無年月

可考據長編紀事則重修年月俱在志餘謂京自築非也

政和三年僧道釋築庵於亭溪村成化杭州府志羅漢院在亭溪

村政和三年僧道釋者經此聞鐘磬聲

遂卓庵而居乾道四年賜名羅漢院
欽宗皇帝靖康元年詔鑿臨平山蔡準墓康熙仁和縣志臨平

山蔡京葬其父準於此京敗靖康元年詔鑿破之今俗名斷嶺○癸辛雜志宣和中蔡京葬其父於臨平及京敗或謂此山爲駱駝飲海勢遂下本路遺匠鑿破之其地至今有開鑿之徑
丁立誠曰沈記謂洪武初鑿蓋未見周公謹書耳或靖康鑿破其墓明代更斷山頸歟然周謂宣和中葬似亦失實長編紀事注謂修塔在崇寧二年又卷百三十六政和二年己卯手詔賜蔡京曰臨平置塔初因錢氏尊相名寺起於治平匪緣近年創有增建云云是修塔在崇寧初張克公劾京在大觀末手詔賜京在政和初政和八年改元重和越年改元宣和周云宣和中

臨平記補遺卷一

豈其然歟

高宗皇帝建炎三年金人至淮泗帝發揚州退避二月

辛酉御舟泊臨平鎮建炎以來繫年要錄建炎三年二月辛酉御舟泊臨

平鎮壬戌至杭州以州治爲行宮顯寧寺爲尙書省

大昌曰要錄稱是時扈駕惟苗傅一軍而已受

明改元之變由是萌焉其能復辟抑亦幸事歟

苗傅之扼臨平具見沈記

紹興初驅鳳凰山鴉於臨平赤岸間葉紹翁四朝

初高宗建行闕於鳳凰山山中林木蒼如鴉以千萬計朝則相呼鼓翼以出啄粟於近郊諸倉昏則整陣而入噪鳴聒天高宗故在汴邸無山故未嘗聞此至則大駭命內臣張去爲領修內

司諸兒聚彈射而驅之臨平赤岸開未幾
鴉復如初彈者計窮宮中亦習以爲常

孫禮煜曰徐一夔行宮考宋行宮在鳳凰山下

卽自唐以來之州治咸淳志建炎三年以州治

爲行宮紹興元年十一月詔守臣徐康國措置

草創然則驅鴉一事其在元年措置草創時乎

四年冬金人犯淮甸從尙書左僕射趙鼎請親征

十月戊戌泊臨平鎮建炎以來繫年要錄四年

天章祖師神御以行劉錫楊沂中以軍從晚泊

臨平鎮注引趙性之遺史云金人在淮甸張俊

軍鎮江府出戰有遲疑未渡之意朝野驚疑趙

鼎見上屢請車駕早幸江上上首肯之卽退又

爲中官沮之至是鼎請上親征且曰軍兵百姓

皆望陛下親征之利也臣欲乞陛下發遣中官

詔事俟退敵回鑿共享安逸之福議遂定命卽草

臨平記補遺卷一 八

赴都堂臣具酒醴待之諭以禍福然後親征可
決上從之遂發近侍十餘人詣都堂具酒醴
以宗廟社稷之計論之且曰諸公堂上贊成其
事俟退敵回鑿共享安逸之福議遂定命卽草

高保康曰親征之議數中官能沮撓之高宗豈

能決計者哉至請發中官至都堂而後決趙鼎

之志苦矣一時李綱上擣壽昌臨畿甸之策呂

頤獻分道進兵之書皆慷慨憤激翹首相俟焉

五年春金人退師從參知政事留守孟庾請車駕

還臨安二月辛巳宿臨平鎮建炎以來繫年要錄

許仁杰曰高宗親征駐平江府其時夜月犯昴

占者謂爲敵滅之象而吳乞買卒金主晟薨金人皇懼將帥用命恢復中原之機也已足繩澶淵之祖武矣臨平回蹕之宿以視建炎退避之泊舟其氣象固迥不相侔然不思乘此進取以圖恢復惜哉

六年劉豫入寇幸平江親征移蹕建康九月丁卯

御舟宿臨平鎮

建炎以來繫年要錄六年九月丁卯朔發臨安府御舟宿臨平

鎮於舟中與宰執論岳飛之捷。建炎以來朝野雜記六年秋劉豫入寇上幸平江

楊振鎬曰高宗嘗謂趙鼎曰若警奏初聞而朕或爲退避之計江浙已爲邱墟矣然則再議親

臨平記補遺卷一

九

征建康駐蹕猶然英武之資也

僧慧文與鄉父老修建運塘捍白龍潭風濤

淳祐臨安

志

八年回蹕臨安正月癸亥發建康丁丑次臨平鎮

建炎以來繫年要錄注引呂中曰紹興八年定都臨安不復進都此秦檜之爲也

周元瑞曰是時趙鼎罷相而秦檜用事和議浸決不復議親征者幾二十餘年偏安之局至此遂限檜之罪可勝誅哉

十四年四月水壞臨平塘岸禱於白龍潭重建白

龍王廟

咸淳臨安志白龍潭在仁和縣臨平鎮東湖舊有龍王廟紹興十四年水衝壞

塘岸版築不就禱於塘重立廟乃成

丁立誠曰沈記白龍祠祈禱晴雨事數見淳祐七年禱雨寶祐五年禱晴六年禱雨而紹興之禱於潭乃重修祠廟之始也自有祠廟故雨晴皆禱於是

三十一年金亮主渝盟侵犯親往視師八月戊申

發臨安府御舟泊臨平鎮建炎以來繫年要錄

許郊曰是時金人將謀廢立禍亂已萌亦恢復機會而親往視師仍屬強弩之末惜哉

三十二年二月回蹕臨安府甲寅次臨平鎮建炎以來

臨平記補遺卷一

十

繫年要錄

大昌曰沈記於名流之至臨平必取以為美談而高宗自退避後及親征往復至鎮駐蹕凡七次均未之載僅具迎章太后一條殆未見李心傳此書歟今皆依其日月備錄之惟曰舟泊曰宿曰次其辭不一亦姑悉仍其舊

紹興間金國賀天申節賀正旦人使來及回程賜

酒果御筵於臨平赤岸劉才邵櫛溪居士集大

赤岸賜酒果口宜有勅使輅遠暨炎暑屆辰深

惟跋履之勞宜有甘芳之賜式隆眷待用示恩

私又使人賀正旦到赤岸賜酒果口宜有勅遠

馳使傳將次國門經涉實勞宜加眷體芳醪美

實併示殊恩又人使賀正旦回程赤岸賜酒果
口宣有勅載飭征驂既遊歸路念川途之方遠
頌芳旨以宜豐用致殊私式昭眷體又使人賀
天申節回程赤岸賜御筵口宣有勅肅馳輶賀
來會詎期適屆炎蒸諒多勤肆備陳於慈宴
以昭示於眷懷又使人賀正旦回程赤岸賜御
筵口宣有勅講儀已事馳傳言旋少留從騎於
近郊肆錫娛賓之廣宴茲惟異數以示懷又
人使賀正旦到赤岸賜御筵口宣有勅肅將信
幣來慶歲旦到赤岸賜御筵口宣有勅肅將信
示眷懷又使人回程臨平鎮多勞勸特頒燕衍用
有勅使華成人禮夙駕言還眷惟歸路之遙宜有
祖行之寵式資燕樂用示恩私又使人賀正旦
賜御筵口宣有勅肅持使傳初歷歸途增輝原
隰之華申賜豆籩之燕
用紆勤勩特示眷私

大昌曰樵溪居士集載賜金國人使口宣凡五
十七條其在臨平鎮赤岸凡八條年月無可稽

臨平記補遺卷一

士

矣才邵仕於紹興中葉故附載於此

又曰臨平鎮赤岸本至杭孔道金國人使來及
回程宋時皆有賜酒果賜御筵之典固不僅此
數次也惟無徵於載籍者均不錄焉

孝宗皇帝乾道四年賜亭溪村僧道釋所卓庵名爲

羅漢教寺

院成化杭州府志。嘉祐臨安志羅漢

五年六月二日陸游宿臨平陸游入蜀記乾道五

班荆館小休亭班荆者北使宿頓及賜燕之地
距臨安三十里晚急雨頗涼宿臨平會稽者
太師蔡京葬其父準於此以錢唐江爲水會稽
山之案山形如駱駝葬於此以錢唐江爲水會稽
樂府固已云誰似臨平山上塔亭亭迎客西來

送客行則臨平有塔亦久矣當是蔡氏葬增築
或遷耳京責太子少保制云託祝聖而飾臨平
之山是也
夜半解舟

十一月十一日壬戌張伯純劉邦達送樓鑰北行

過赤岸

北行日錄

大昌曰是年樓公以其仲舅汪大猷充金國賀
正旦使辟充書狀官故有北行日錄之著此其
北行之始也

六年二月十三日甲午樓鑰北行歸過臨平赤岸

北行日錄

曲園先生曰沈記於宋仁宗康定元年大書夏

臨平記補遺卷一

三

四月翼拱之來游臨平山細礪洞孝宗乾道八
年書春二月周必大至臨平名流所至爲山川
生色固也然則此二公者其名蹟當與周伯仲
視翼遠過矣

淳熙三年正月周必大借尙書永寧侯押伴金國

賀正旦人使御筵於赤岸

周益公年譜

四年十月周必大押伴金國人使御筵於赤岸

文稿卷六詩序程泰之有金帶銀章之句乃因
十月二十八日押伴北使赤岸御筵服重金侍
宴紫宸殿坐間作數語爲戲。玉堂類稿卷十
三赤岸賜御筵內侍徐永叔口宣有勅卿等聯
華擁節奉幣朝春念久涉於修途命少休於近
館特願宴飲深體眷懷又口宣有勅歲事一新

鄰歡載睦嘉使廬之近止秩賓燕以樂胥適屬
隆寒固宜霑醉又內侍張思溫口宜有勅歲律
將新使廬並驚雖慶賀之日未展在馳驅而任勞
爰即郊關就頌燕飲又日宣有勅卿等並涉修
途來趨恩用光歲艤餘艘於近岸飛蓋學於華筵
示湛恩等遠修鄰使好來慶賜酒果內侍良勤
有勅賜等甚邇錫之芳旨以勞皇華又內侍王
望闕廷而宣有勅卿等遠修鄰使好來慶賜酒果
敦禮口宣有勂鄉等之珍慶新春對恩華臨近
尊之醕旨豐庶口宣之珍慶新春對恩華臨近
又內侍謝安民口宣有勂鄉等之珍慶新春對恩
鄰使遠來益修舊好迎頒醪核寵勞駢臻又口
宣有勂卿等抗廬賀歲飛棹及郊載稽勞問之
儀特厚甘嘉之抗廬賀歲飛棹及郊載稽勞問之
岸賜御筵內待朱思正日宣有勂卿等抗廬賀歲
祺式旋使旆望征帆之內侍黃述開宴席以少留
惜滿觴載光行色又內侍黃述開宴席以少留
既成聘好方即歸途宜少駐於郊關俾載卿等
燕餞式將厚遇之聊慰常于邁春郊念遵途之未
趨歲節嘉修好之有常于邁春郊念遵途之未

臨平記補遺卷一 三

遠宜開寵餞用賞歸裝又口宣有勂卿等已慶
元春式造歸旆欲示使華之寵載仲郊餞之儀
方屬餘寒勿辭霽醉回程赤岸賜酒果內侍李
弼口宣有勂卿等禮成獻歲道次郵亭念涉履
之方勤軫眷懷而良厚旣陳宴餞仍賜旨嘉內
侍何弼口宣有勂卿等禮成獻歲道次郵亭念涉履
珍賜於宸廷有勂卿等禮成獻歲道次郵亭念涉履
華又口宣有勂卿等禮成獻歲道次郵亭念涉履
留於近岸益加勂卿等禮成獻歲道次郵亭念涉履
等以近郊賀正旦使於常頒惟是醕果口宜尚其
示遠馳賀正旦使於常頒惟是醕果口宜尚其
遠持聘幣勞欽承厚禮之加醕醪口宜尚其
寢邇宜頌芳慶誕祥眷存御之日宜有勂卿等
信及茲誕慶之期切眷存御之日宜有勂卿等
祇眷渥庸洗征塵赤岸賜御筵口宜有勂卿等
抗膺獻壽馳傳及都宜修御筵口宜有勂卿等
之寵勿辭飲醕庸對眷懷又口宜有勂卿等
持瑞節來奉壽觴而承遠役又口宜有勂卿等
館有華茲禮其肅而承遠役又口宜有勂卿等

鄰歡恪趨辰誕眷遵塗之甚遠欣弭節之有期
爰即近郊特開華譙又口宜有勅卿等言馳遠
道契飛電之嘉辰爰即近懷濡需雲之異渥諒
增華於使節宜深體於眷懷回程赤岸賜御筵
口宜更開別燕席益光於行色尚深體於眷懷
又口宜有勅卿等肅駕歸艤暫留近岸欲示勤
劬之意載願慈惠之恩方屬嚴凝勿辭霑醉又
口宜有勅卿等來慶誕辰厚眷懷成使事申燕
遠道姑弭筆於近郊載厚眷懷成使事申燕
宣有勅卿等屬奉壽觴茲旋使節特申燕餞又
遠經別岸以少留欲示眷私更伸燕餞又口宜
有勅展縟儀於壽旦已締鄰歡弭歸棹於日宣
載陳飲餞茲惟示惠亦以紆勞上歸棹於日宣
程赤岸賜酒果口宜有勅卿等既成壽禮載
歸舟即別岸以少留馳近藩以加勞錫之甘旨
體我眷私又口宜有勅卿等遠飾使裝來趨誕
節歸舟載施甫懸於壘亭嘉賓薦薦更將於恩
意又口宜有勅卿等稱壽旦返旆霜冬念甫
事於遐征俾少休於近驛載頌芳旨加厚眷私

臨平記補遺卷一

十四

又口宜有勅飛綬遐暨嘉請祝於修齡犯轍過
歸尚眷留於近岸馳頒醪核益溥龍光。以上
節使賀會慶

大昌曰益公押伴人使筵宴年譜數見而書赤
岸則祇一條其餘或以常例而不書歟據玉堂
類稿則正旦使一為乾道七年一為淳熙三年
一為淳熙四年一為淳熙五年會慶節使則一
為乾道七年一為淳熙二年一為淳熙四年今
凡在赤岸口宣皆附見於此

十二月佛日僧慧舉以東坡佛日題名勒之石范
成大跋之成化杭州府志載跋文云右文忠公
倅杭時送客至佛日山寺壁間所題

御筵於臨平赤岸攻媿集紹熙五年金國弔祭
卿等遠將慰問來居近郊先之旨酒之頒增口以
嘉肴之錫少安次舍用息勤勞赤岸賜之頒筵口
宣有敕卿等握節載馳越疆來弔將展國喪之
禮宜先郊勞之儀其體眷私少休偃簿回程赤
岸賜酒果口宣有勅卿等返旆云初出郊于邁
加六壺六籩之饋致三辭三揖之勤式慰爾歸
用將予意回程赤岸賜御筵口宣有敕卿等成
禮云歸啟途未遠意方勤於郊送恩宜視夫賓
初既厚眷私益堅信睦

寧宗皇帝慶元元年金國賀登寶位賀正旦人使來

及回程賜酒果御筵於臨平赤岸攻媿集慶元
登寶位人使赤岸賜酒果口宣有敕卿等來次
郊闡肅將賀禮寵以上尊之賜加之頒果之珍
式仁來游以堅信好赤岸賜御筵口宣有勅卿
御示圖遠勤信使既女郊闡之近載加燕豆之初

臨平記補遺卷一 六

優其體眷私以承虛仁回程赤岸賜酒果口宣
仍有敕卿等已祇聘禮初計歸程迺馳賜於上尊
仍分頒夫碩果少安旅次徐屆征途回程赤岸
賜御筵口宣有勅卿等持禮言還戒途伊始爰
敢在公之燕用華修聘之歸旣秩賓筵遂登客
路。慶元元年金國賀正旦人使赤岸賜酒果
口宣有敕卿等遠從萬里來賀三朝望觀闕以
非遙賜壺籩而加腆尚承眷渥以締歡盟赤岸
賜御筵口宣有勅卿等履端之始將命以介維均
甸之登宜厚賓筵之賜寵眷所逮使介維均

慶元初重建徧福院趙應爲之記福院在赤岸晉

天福七年錢氏建舊名衆善宋治平二
年改今額慶元初重建趙應爲之記

嘉泰間金國人使來賜御宴酒果於臨平赤岸尊
堂集赤岸賜御宴口宣有敕卿等肅駕使輅甫
臨畿甸將展昕朝之賀紹修誕日之歡爰以詔
言示夫眷意赤岸賜酒果口宣有敕卿等來慶
誕節已臨近郵眷言徒御之勞宜有甘醕之賜

庸昭寵眷
豈曰故常

大昌曰宋史無虞儔傳恭讀

欽定四庫全書總目尊白堂集宋虞儔撰從永樂大典
錄出儔字壽老寧國人隆興初入太學舉進士
累官兵部侍郎奉祠卒始爲績溪令以治平被
薦遷監察御史搏擊權貴朝廷肅然爲浙東提
刑徙知湖州又嘗銜命使金考金史交聘表泰
和元年三月乙亥宋使刑部尙書虞儔泉州中
觀察使張仲舒等來報謝集中有使北回上殿
劄子卽其事也謹案金泰和元年卽宋嘉泰元

臨平記補遺卷一

七

年據宋史慶元六年冬金遣烏古論誼來弔遣
虞儔使金報謝交聘表書泰和元年三月以至
金時日記之此口宣有紹修誕日之歡則當爲
賀誕節惟其時日無考今姑附於嘉泰間則雖
人使之至不得其時而其事自爲有徵也

嘉定元年八月金國論成人使來賜酒果御筵於

臨平赤岸

攻媿集嘉定元年八月金國論成人使至赤岸賜酒果口宣有敕卿等徒

御遠征郊圻

密邇爰再頒於甘醴仍分錫夫嘉

肴行色少休

賓筵是飾赤岸賜御筵口宣有敕

卿等遠驅雲

之復式昭眷意益謹前規

八年知仁和縣趙希言築臨平塘重隄

宋史趙希言傳臨平

隄決希言督役親捧土投石兵民爭奮隄成因築重隄後不復決

羅槩曰希言字若訥惠王令應元孫後官至開府儀同三司築塘事史不載日月郭北三山志云嘉定八年乾隆杭州府志水利門采之職官門亦繫之嘉定八年任

十二年以海水爲臨平塘患下諸司條具築捺之

策宋史河渠志東南諸水嘉定十二年臣僚言京畿赤縣密邇都城內有二十五里塘直通長安甬上徹臨平下接崇德漕運往來客船絡繹兩岸田畝無非決壞若海水徑入於塘不惟民田有鹹水滄沒之患而裏河隄岸亦將有潰裂之憂下浙西諸司條具築捺之策務使捍堤堅壯土脈充實不爲怒潮所衝從之

臨平記補遺卷一

六

大昌曰沈記張閣言錢塘江出臨平議修築一條引宋史而載於附記謂無年月而僅存世系者今考宋史河渠志東南諸水上明書政和二年七月兵部尙書張閣言云云豈東江未曾檢及之耶信然則河渠志東南諸水下嘉定十二年此條其漏采也宜矣宋志又載政和六年閏正月知杭州李偃言湯村巖門白石等處並錢塘江通大海日受兩潮漸至侵齧乞依六合寺岸用石砌壘乃命劉旣濟修治今考湯村白石與臨平接壤雖未言及而亦在其內故云等處

惟無臨平二字不復采入

孫樹義曰據趙希言傳中云因築重隄後不復決此則臣僚又以海水為患乞下諸司具策始思患而預防耶

理宗皇帝嘉熙二年范光記蓮華井

今圖書欽定古

方典載記文云臨平山後十里井鹵惡余客小
林四面散汲其味畧同日與范右之蔡及之納
涼蓮花院院有三井扣僧執勝僧指露井最良
余亟取烹茗清甘寒冽自是日走楚奴二鑿斬
不輕費品此泉為小林第一井有神焉亦喜自
賀吾不復將百味矣雖然唐人詩云除卻借書
沽酒外更無閒事擾公私余嘗長斯邑頗以不
擾見思別十年矣行旅如歸今以汲水擾人乎
右之笑曰亦君甘棠加封殖
爾何愛數語以記斯井之逢

臨平記補遺卷一

充

大昌曰萬厯志職官表紹定二年仁和令范光
茲據范記中有別十年之語作記當在嘉熙二
年也

朱孝淮曰蘇長公官杭郡於玉女泉置調水符
良吏風雅口碑競稱政成訟理之暇汲水晶泉
未足云擾范君廉泉示潔以此為擾人官箴砥
礪其已嚴乎

寶祐二年六月壬寅朔罷臨安府臨平鎮稅場

宋史

本紀

周元瑞曰南渡時民生苦於供億久矣稅場罷

免生計少蘇惜其僅在一鎮迨公田之設則疲
傲極焉

六年臨平山里人立白龍王廟謝緒所書碑艮山

碑爲寶祐六年立謝緒書

魏本存曰沈載寶祐詣廟禱雨事云其建碑年
月今亦無考碑尾隱隱有宮眷字疑出自理宗
御賜未可知也蓋未考碑文耳

又曰謝緒後受金龍四大王之封亦龍神矣其
神見形黃河灘岸每幻爲方頭小黃蛇見則防
河官吏演劇致祭其蛇輒蟠木主昂首受之則

臨平記補遺卷一

三

其書碑也已爲靈氣相感召歟

元世祖皇帝至元十三年正月癸巳巴延軍次臨平

鎮元史世祖紀至元十三年正月戊寅巴延以
鎮軍出嘉興壬午軍次長安鎮癸未軍次臨平
鎮甲申次皋亭山宋主遣其保康軍承宣使尹
甫和州防禦使吉甫等齎傳國寶及降表詣軍
前乙酉師次臨平北十五里戊子宋主祖母謝
氏遣其丞相吳堅文天祥樞密謝堂安撫賈餘
慶中貴鄧惟善來見巴延於明因寺巴延顧文
天祥舉動不常疑有異志羈留軍中。巴延傳
正月壬午次長安鎮癸未進軍臨平鎮甲戌次
皋亭山宋主遣知臨安府賈餘慶同宗室保康
軍承宣使尹甫和州防禦使吉甫奉傳國璽及
降表詣軍前。宋季三朝政要德祐二年正月
大丞相伯顏領兵進皋亭山出長城三十里使
請執政至軍議文天祥請行成宜中夜遁十九
日除文天祥右丞相兼樞密院左丞相謝堂樞密
以賈餘慶爲右丞相吳堅爲左丞相謝堂樞密

院家鉉翁參知政事劉岳同知樞密院事侍從
交贊公出天祥曰國事至此吾不得愛身翼日
以資政殿大學士行至皋亭山見伯顏
丞相天祥抗辭不屈遂留之不使南歸

曲園先生曰史載是年正月丁卯朔則癸未巴
延軍次臨平乃十七日也此宋末一大事而沈
記不載止載元兵迫臨平提刑徐道隆入援死
之一事又誤以元兵迫臨平爲德祐元年冬十
二月事失之矣

又曰乙酉師次臨安北十五里而戊子吳堅文
天祥等仍見於明因寺蓋前軍進次而巴延猶
駐臨平也宋史文天祥傳但言與伯顏抗論皋

臨平記補遺卷一

三

亭山三朝政要亦但言至皋亭山而不知其實
在明因寺此亦臨平一大故事也

順帝至元間建寂照庵於臨平山

成化杭州府志
嘉靖府志作寂然

庵乾隆
府志同

至正間重建治平寺

成化杭州府志

至正末廣嚴寺燬

成化杭州府志

安隱寺燬

成化杭州府志

徧福寺燬

成化杭州府志

治平寺燬

成化杭州府志

明覺院燬

成化杭州府志

景星觀燬嘉靖仁和縣志。成化杭州府

羅漢教寺燬成化杭州府志

圓通庵燬武林志

月輪寺燬乾隆杭州志

大慈院燬乾隆杭州志

寶慶院燬乾隆杭州志

壽寧院燬嘉靖仁志

淨信庵燬嘉靖仁志

龍興寺燬嘉靖仁志。成

蓮花院燬嘉靖仁志

臨平記補遺卷一 三

迎峯庵燬嘉靖仁志

月華庵燬嘉靖仁志

顯惠庵燬嘉靖仁志

大昌曰沈記於隋大業唐會昌宋建炎華嚴院諸寺之燬均備書之元至正末東南寇賊蠡起張士誠往來蘇杭臨平實孔道也雖史冊亦如隋書無臨平被兵之文而諸寺之燬幾盡民生蹂躪可知矣備書之亦沈氏舊例也

臨平記補遺卷二

仁和張大昌輯

事記

明太祖皇帝洪武初重建廣嚴寺成化杭
州府志

重建大慈院復大安舊名乾隆杭
州府志

重建月華菴成化杭
州府志

重建壽寧院成化杭
州府志

重建蓮花院成化杭
州府志

重建徧福寺成化杭
州府志

重建淨信寺遷其址於溪亭村成化杭
州府志

臨平記補遺卷二

僧永安重建顯院嘉靖仁
和縣志

三年重建迎峯庵嘉靖仁
和縣志

六年重建龍興寺嘉靖仁
和縣志。成化杭
州府志。龍作隆沈記作龍

十五年重建月輪寺成化杭
州府志

二十四年立安隱寺為叢林以寂照庵超山報恩

圓滿院歸併之成化杭
州府志

立廣嚴寺為叢林以壽寧院淨信寺龍興寺月華

庵蓮花院大慈院迎峯庵歸併之成化杭
州府志

立徧福寺為叢林成化杭
州府志

大昌曰沈記云自洪武二十四年立天下名利

爲叢林其餘梵舍咸令歸併故陳善萬厯志所載止叢林最詳其他列名而已惟成化志最悉每託書郵竟不可得獨廣嚴寺有摘抄者然亦止及本寺他如安隱寶慶所併者年月不可考矣今皆據成化志補錄於此

惠皇帝建文四年湖廣道監察御史海寧李貞隱居

臨平山

乾隆海寧州志李貞字大亨邑諸生建文元年時赴京上用兵方畧上壯之賜

宴光祿授湖廣道監察御史壬午革命歸隱臨平山成祖卽位謫佃田宣宗立召拜揚州知府特勅旌其忠直在任三年孜孜民隱章累百上惠澤甚著攷績入覲乞休謝還敕諭上曰知府俱無敕其留之以示子孫貞歸老家徒壁立甘節以終

臨平記補遺卷二

二

大昌曰沈記云欲葺祠臨平崇祀十九人李貞其一也因補錄之又劉光世亦在十九人內而於敗苗翊一條沈脫其名宋史苗傅傳云苗翊馬柔吉以兵阻河韓世忠力戰俊光世乘之翊敗走是光世應與張俊同書名也因事已見不復載附辨於此

成祖皇帝永樂三年知仁和縣彭奎建東預備倉於

臨平鎮

欽定古今圖書集成職方典仁和預備倉明洪武二十四年建歲久傾

頽永樂三年

知縣彭奎重建四倉東倉在城東

北臨平鎮南倉在城北郭石灰場西倉在城西

北仲墅北倉在城北塘棲鎮

張景雲曰預備倉之設於民生裨益匪淺四倉分建振糶資之儲蓄粟紅經營盡善盡美所謂良令百里悅彭君其庶幾焉

十三年江湖衝圯湯鎮遷建保慶院於桐扣山下

嘉靖仁和縣志保慶院舊在湯鎮吳越王建名保安宋治平二年改今額明永樂十三年江湖衝圯遷至桐扣山下

遷建吉祥寺於黃鶴山之陽萬厯杭州府志吉祥寺舊在城東唐神龍

中建洪武初重建永樂十三年以湖水壞遷於黃鶴山之陽

重建安隱寺嘉靖仁和縣志

英宗皇帝正統六年秋九月海寧蘇平與許溪凌孟

臨平記補遺卷二 三

通弟蘇正蘇直子約莊姪淵同游鼎湖作游鼎

湖賦雪溪漁唱集游鼎湖賦序云許溪凌君孟今之人目之期予兄弟善游湖心古道予固不敢以五六往返以人事而不果今秋甲寅復致書來約予謂故人雅意良不可孤吾之與尤不可過丁巳與弟秉貞秉中二兒約莊姪淵泛舟乘月而往是夜眾賓咸集次日宴醉雪堂明日宴樂所又明日將宴松泉子適值連雨游湖之興為之索然客欲辭者過半忽爾雲斂雨歇霽景澄鮮水天一色醉雪子欣然攜酒持觥與客放舟湖上皋亭臨小參差相映其翠如洗遠近景物千態萬狀莫不呈露豈天之賦相吾人游乎於是容賦詩或雅歌投壺極其娛樂放乎形容或鳴琴賦詩或雅歌投壺極其娛樂放乎形容少焉而忘其雨汝焉予既先客以醉頽乎舟中無異赤壁吾子之興不減坡仙山為之高水為之深矣古賦之作不可使昔人專美於前也子

迺躍然而起復進三爵操觚俯仰浩浩平神游
八極之表揮毫輒就辭理之妙固不望也吾宗
人坡翁之萬一然託物寓興蓋亦有遙馳騫遠
曰辛酉之秋九月既暮蘇子與客逍遙巖冠振
世俗之浮囂遵周章之往路彈切雲之巖度超
含風之輕素眇天地於一瞬凌烟霞而往度超
逸思於崑崙適幽棕於立圃晞吾髮於扶桑之
灣濯吾足於洞庭之浦弭吾節於許溪之陽駐
吾馬於臨平之園悅天倫之攸敘吾何齟齬於
數宴樂畊之邱而容與矧知之攸敘吾何齟齬於
今之我處引壺觴而怡愉聊盤桓而延此維時積
雨斯霽虹消電滅秋高氣清潦收水澈一鏡與
開羣峯翠列醉雪子躍然而喜興逐雲飛景與
心豁鼎湖之游迴不可過於刻沙棠以爲舟
爲斷木蘭而爲幟緝薜荔以爲蓋兮東芙蓉而
幽宮兮訪水兮仙之潛關恍蕩漾於蓮之復徘徊
飄揚於蘆之涘秋蘭之青流連於蘋蕩洲兮靡
菱之泚覽秋蘭之青流連於蘋蕩洲兮靡

臨平記補遺卷二

四

馨之易歌兮嗟美人之莫采泝寒波之瀏瀏兮
見白石之齒齒游鱗鱗之漉漉兮繆顧鶴之
濯濯兮玩鷓鴣之悠悠陋冕鷺之泛泛兮鄙鷗
鷺之浮浮厥駕鵝之嗉嗉兮惡鴉之泛泛兮鄙鷗
鵲之相友兮感王雎之好仇美鴻鵠之啣幽善
兮豈置吾身於太極兮騁吾道於中止兮肆吾
安流置吾身於太極兮騁吾道於中止兮肆吾
不能沮吾欲兮隨造化之遇而休兮招青山
以爲侶兮呼白雲而爲友藉大塊以爲席兮挽
滄溟而爲酒盼長江爲杯盞兮戲秦山爲培塿
量有以隘乎雲夢兮氣有以貫乎戲秦山爲培塿
於郎官之謫仙兮志翮儻於濠梁之蒙叟奇百
年於須臾兮豈樂天地之所能久縱達人之叟
兮與羣公而樂發口之所能久縱達人之叟奇百
交錯予旣醉以忘情兮希混沌於大璞飛觥而
而登仙兮超庸庸之濁躔蓮社之風流兮繼
蘭亭之雅作愴金谷之蕪沒兮悲梁園之寂寞
弔无量之遺踪兮慕子瞻之流之高躅慨往迹之
陳兮歎湖山之如昨納衆流之高躅慨往迹之

之磅礴曠要眇以瀕洞兮小西湖為一勺盡麗
澤之餘權兮復循環而酬醉少焉曜靈西沈皓
月東上風波徐興毛骨颯爽眾客不能留焉醉
雪子援琴而歌曰湖之水兮幽以深風浪作兮
蛟龍吟壺有酒兮旨且馨聊逍遙兮樂同心蘇
子扣舷而和之以歌曰湖之水兮清以幽湖之
山兮消我憂樂既極兮不少留今夕何夕兮與
子同舟歌竟主人頹然客亦就寢萬籟宵鳴卓
然而醒適有漁父鼓櫂而進顧予而言曰子非
坡仙歟湖中之游樂乎予未及答漁乃放歌而
去子亦長歎而返但見蒹葭蒼蒼
夕流澁澁四顧寂然不知所往

大昌曰序云眾賓咸集則同游不止此數人其
曰醉雪子松泉子樂畊皆凌氏叔姪均見集中
酬荅諸作特其名未能詳焉至所謂醉雪堂樂
畊所松泉諸勝故址已付之蔓草荒烟其所在

臨平記補遺卷二

五

殊不可考

十年僧節庵日初重修廣嚴寺

武林梵志

十三年秋七月海寧凌伯祺居鼎湖陽蘇平為作

湖曲隱居賦雪溪漁唱集湖曲隱居賦序云海
山水之勝隱居湖曲適情於烟波魚鳥間以詩
酒為樂清標雅望時人莫之識也嘗求賦於予
子知君為深故為著其景趣之萬一云時正統
戊辰秋七月初吉也賦曰繫若人之蓄德兮立
脩名於初服振芳聲於海隅兮繼簪纓於茂族
紹先世之厥美兮蓬昔人之遺躅韜吾光於寂
寞兮樂吾生於幽獨聊逍遙於泉石兮澹容與
於林麓非輕世以肆志兮豈隨波而混俗簞夏
屋之渠渠兮占鼎湖之一曲帶臨平之長薄兮
接滄溟之平陸山蜿蜒以拱秀兮水縈紆而環
玉風揚灩以成文兮雨灑波而浮潔懷睢陽之
義節兮瞻許溪之遺俗景无量之藏修兮願書

堆之起伏放吾情於天地兮嗟衆人之局促企
麗老於鹿門兮希李愿於盤谷仰在客之筵水
兮追武公之淇澳覽芙蓉於遠浦兮睹木蘭於
芳渚采芣車於長洲兮將江蓠於遙激善蕙
之並毓兮感衆芳之得所喜白鳥之時下兮羨
冥鴻之高舉既握瑾以自售兮吾豈改度而廢
矩紛世態之齷齪兮舉目誰其爲侶噫吾道之
大行兮致吾君於唐虞慨吾道之既塞兮潔吾
身於巢許脫濁於樊籠兮邁清標於塵埃託
范蠡之歸來兮樂龜蒙之豪放仰志和之清眞
兮感嚴陵之高尚盼孤鶩於鏡中兮坐扁舟於
天上濯吾足於滄浪兮答漁人之清唱沂皓月
以夷猶兮擊空明而溶漾惟縫掖之往來兮肅
衣冠而相讓托琴書以愉悅兮瀉清醕而酣暢
盡賓主於東南兮動江湖之雅望重曰美人飄
飄雲水鄉泉既潔兮可濯可湘采蘋藻兮薦馨
香陳壺觴兮樂時康鼓吾腹兮歌虞唐美人飄
飄水中央步沿河兮且翔舉網得鮮兮鯉
與魴陳壺觴兮樂時康鼓吾腹兮歌虞唐
康鼓吾腹兮歌虞唐

臨平記補遺卷二

天順二年重建寶慶院

嘉靖仁和縣志

三年知杭州府胡濬知仁和縣周博相度臨平曹

家渠石窰太低者重合砌高

嘉靖仁和縣志天順間知府胡濬以

父老郎遲言躬同知縣周博計量近河一帶民田多寡起夫開濬相度窰門太低者重合砌高

浙江通志

丁立本曰水利之策固在因時制宜然急一時

之利而不思古人設法深心其患遂致隱伏如

胡君者亦勤求民瘼之良吏而石窰重砌合高

於水潦盛時用意亦善然至旱不能洩水則策

非萬全也

胡濬重修臨平閘浙江通志在運河官塘一帶濬漲河溢皆由此洩入下塘明天

順間知府

胡濬周博重建小林大閘浙江通志天順間知府胡濬知縣周博重建一

鄉蒙利漑田數千

六年臨平諸生馬廸以例貢赴京入國子監嘉靖

縣志廉介傳馬廸字從簡仁和臨平人幼穎悟精易學旁通經史及百家長游邑庠天順六年以例貢赴京考入胄學既而選授福建興化少府職坐清戎遇有亡命流徒察可點補其有絕者刑杖蔬食未嘗追迫或委聽訟因事原情不謝是旋以庭清如水蕭然自後以倦勤早乞休致言旋之日行李蕭然自後以倦勤早乞休相知傳誦白首不干公府見重鄉評壽幾八十不疾而終。福建福寧府志循吏傳馬廸字惠

臨平記補遺卷二 七

吉仁天和天順間貢生成化中任福寧州同知清慎敏捷修舉廢墜有便民者無不為善詩畫所至留題州人皆愛重之

吳慶坻曰沈記於臨平諸賢每備載之以為榮

故宋大學生徐垓舉進士第一人書其將入仕

途之始馬廸嘉靖仁和志則入廉介傳福寧志

則入循吏傳 國朝乾隆杭州府志采福寧志

入循吏傳其賢亦足稱矣至兩志或云其字為

從簡或云字惠吉不同殆其為別字也

又曰嘉靖仁和志謂選授興化同知不及福寧

任福寧志謂任福寧州同知不及興化殆分先

後任故兩志各舉其一歟

憲宗皇帝成化七年二月史鑑偕僉事劉珪沈周沈

召同游臨平山作望臨平山記史鑑西村十記

塘山水名天下四方之人不遠千里以一游為

快何況吾蘇與之名相亞地相望徐行四日疾

行三日皆可達然而足跡未嘗一至者何也蓋

無名蓋將以有藉焉耳前三四年鄉先生劉僉

遂者友人沈啟南嘗與予訂為斯游因竊自賀以

憲友平生所待而藉者茲遂矣又各以事縻不果

為成化辛卯歲二月乃始克踐之先是月與

行南定行日其仲繼南聞之欲同往予欣然諾

之是月四日三君子過予家留信宿行踰嘉興

歷石門道崇德始望見有山隱隱出天際人指

云臨平山也又行餘五里乃至山下時快雪

新霽重岡複嶺積素凝華上下一色寒光皓彩

奪人目睛瓊林玉樹布列巖崖上玲瓏玳瑁絕

臨平記補遺卷二 八

可愛凡斷齠之狀蒼翠之色舉蒙被皎白斂巧

藏奇一返太樸如仙妹玉女不為世俗豔媚態

而淡妝素服風韻高潔終異凡人僉憲歎曰始

吾之南也以斯景為不及見而今茲遇之豈天

將全吾觀乎雖然仲春之雪非時也吾何敢游

觀之樂為哉宜不忘吾憂不溺吾樂者吾其為

心樂至而憂或忘者吾其為迹君子之

道也二三子其識之作望臨平山記

大昌曰明代史鑑有二其一為長洲人宏治已

未進士見太學題名碑其一為吳江人字明古

號西村隱居不仕撰有西村集西村十記皆游

杭時作也記臨平山一篇居十記之首蓋自蘇

入杭取道先至臨平故記寶石山則云自臨平

指西南行將六十里至杭次第為述以分篇目

文中描繪山雪風景爲臨平別開生面焉

十三年二月僉事錢山采石臨平山修築海塘成

杭州府志成化十三年二月海寧海溢決隄偏
盪城邑鎮巡因命采石臨平安吉諸山。海塘
學要成化十三年海寧隄
決僉事錢山重築障海塘

成化間重建臨平景星觀嘉靖仁和縣志。成
化府志作景靈觀

併東鄉芳梅村梵天寺於桐扣保慶院成化杭州
府志梵天

寺在東鄉芳梅村吳越王建名順天宋治平
改今額元末燬洪武初建今併於保慶院

孝宗皇帝宏治三年仁和槎渡村麥秀兩岐武林
紀事

羅渠曰艮山雜志云槎溪今不著惟官莊後河

橋北有四橋相向西曰槎渡東曰槎溪南曰永

臨平記補遺卷二

樂北曰豐樂里俗總呼之曰和睦連橋其橋水

道自丁橋東達方橋者似古爲槎溪矣水經注

云浙江東合臨平湖又東徑槎溪成化杭州府

志槎瀆與臨平湖相近去江則三十餘里槎溪

疑卽此溪也六朝以江海灌輸於此名之曰瀆

海道旣徙水漸堙塞所存僅一溪徑遂名溪而

或稱槎渡者渡爲瀆之轉語有輕重此稱槎渡

村可知橋名槎渡正以其地名橋也

大昌曰沈記引水經注條下云槎瀆近皋亭山

而海又在其東南相去甚遠非入海處然據成

化志謂槎瀆與臨平湖相近去江則三十餘里

當日入海故道似屬顯然無可疑也

十年僧本浩重葺廣嚴寺 武林志

宏治間水利僉事伍因設石閘於臨平 浙江通志

事伍因見筧筒壅塞設石閘其七處自海寧拱辰門外一帶至臨平以蓄上河之水民甚利賴是為伍

公七開

世宗皇帝嘉靖二年三月丁亥游臨平山 丁亥集

詩序嘉靖癸未三月月下泚借子培沈廷信兄弟公祚兒男之喬同游臨平邱山至晚驥舟北廟信步入明因寺詢其建置之由遂遵官塘謁曹將軍祠由山路至安隱寺觀坡公板刻已乃剡安平泉淪茗而飲之至溪詩捫石幢復歸北廟小酌就寢次日昧爽枕上聞雷聲繼以微雨甚

臨平記補遺卷二 十

訝之不能縱步頃間乃躡屐就吳氏飲雨少止用肩輿至廣嚴寺遂乘輿至景星觀列席歡飲醉臥是夜風雨大作再次日早寒甚附火圍坐至午羽士進酒微酣時雨霽風顛龜勉登山謁白龍祠周章四眺長江巨海變觀日睫問而吳越諸山如指諸掌真奇觀也奈風震撼不能凌其絕頂以聘晚方圓之體良可慨夫俯仰之餘老興遄發隨時賦詠以紀歲月云

十三年郎瑛叙臨平水利 嘉靖仁和县志載瑛文

北過雋堰臨平抵于長安達於崇德之界東瀟于華家池入于臨平迴繞于海寧然塘高水淺僅通舟楫是雖稍可漑田若值小旱則浜港先涸田即被灾舟楫亦阻非濬治極深蓄水待需不可且必修西湖故道以時啟閉其間所謂決西湖寸水可以灌上塘五十餘頃者信不誣也西塘在縣之東北洩上塘之水西受錢湖之流下塘在縣之東北洩上塘之水西受錢湖之流歷五林塘樓會于崇德北達漕河故曰新開運山河西北達于德清四安歸於太湖其奈阻之以山水折而弗前地勢又卑所防者潦也若奉口

若唐涇皆受天目諸山之水少崩地濫及岸沿沿溢流萬頃一壑故時以患里日之又如上塘之鼎湖夾白龍潭之險下塘三里漾十二里漾之風濤所係不細曰德勝曰金家曰吳家設陸門七在上塘者四曰德勝曰金家曰吳家曰小林在下塘者三曰奉口曰勞家曰唐涇皆以蓄以洩啟閉以時不使汎涸在小林則又洩其流于白洋石日二窺以既下塘高阜之田利最溥也蓋下塘既卑而高田不可車灌非此則千頃之田常為枯槁設算亦七日馬堰曰李王塘曰金家曰石日鋪曰曹家曰白洋日馮家皆若小林之利用而又置檢水閘以節上流高卑布置亦周密第欲隄防于無事之先修築于將患之際詢漕規而循故道以追神禹之法亦存乎人焉爾已

大昌曰志稱瑛志水利乃按察僉事朱子和所命議將成而朱去興修之工則未知果否也

臨平記補遺卷二

七

又曰臨平水利爲仁和海鹽兩域要區故其爲堰者六曰湯家堰在臨平鎮西北十里曰梅潭堰在臨平鎮中舊名梅潭壩曰費仁堰在臨平鎮東二里蓮花鋪左俗稱費仁堰曰吳家堰在臨平鎮東三里永和塘去城東北四十五里曰施家堰在臨平鎮東四里舊名施家壩曰水達堰在桐扣山下亦名黃家堰其爲閘者六曰臨平閘在運河曰小林大閘在仁和縣十五都十七都東西界間曰小林閘一名元鎮閘在小林曰臨平湖四閘在臨平鎮南五里半屬仁和半

屬海寧曰潘公開在臨平鎮東龍興橋西曰婆娑閘在吳家堰東皆以蓄洩爲旱潦計蓋地旣瀕海湖水之外與運河相接者有赤岸河在赤岸之南有施何村河在桐扣山下水達堰東有方興河在臨平鎮東東通海寧縣長安壩皆南宋時運河也農田灌溉利賴攸資而舟楫往來實爲孔道志乘載之綦詳談水利者必於此加之意良有以也

二十二年重建圓通庵

武林梵志圓通庵在鼎湖之南宋朝創元時燬嘉靖

二十二年重建萬厯丁酉僧大潮募修

臨平記補遺卷二

三

神宗皇帝萬厯八年僧性美慧淵重建邱山圓教寺

武林梵志圓教寺去城東五十里在邱山之陽年久傾廢止存殿基二十八畝方泉放生池安隱寺僧性美慧淵於萬厯庚辰重建

十二年僧如勤重建安隱寺殿額曰翠微幽梵

安隱寺志

十六年僧廣量建觀音大悲庵於桐扣

武林梵志觀音大悲

庵在桐扣王陵山頂萬厯戊子歲僧廣量建

二十一年僧如勤如息如惠性和等建安隱寺禪

堂額曰貌音

安隱寺志

二十二年閏九月安隱寺鑄鐵鐘

安隱寺志。東江集有鑄鐘詞

二十六年建善曇寺於鼎湖西葡萄畷武林梵志善曇寺在

鼎湖西葡萄畷原葡萄寺經數百年其故址宛在萬厓戊戌僧如顯募衆縣宰豫章劉公嘉其

德捐俸以助邑人胡心得沈朝煥沈朝煜丁周助建長河環帶古木圍蔭有石橋鉢孟泉

三十五年僧性月建伽庵於龍洞口武林梵志

龍洞口萬厓丁未僧性月建庵有石臺梧桐數株前溪環帶

三十六年僧如林建吉祥庵於褚隴武林梵志吉祥庵在褚塢

萬厓戊申僧如林重建

三十七年司道檄仁和縣清理臨平湖淤塞稍復

其舊臨平湖考。武林梵志鼎湖亦名東湖久廢湖大三千餘畝萬厓庚戌司道清復

大昌曰清理是役志乘無徵而東江臨平湖考

臨平記補遺卷二 三

與梵志年歲相異始一以興工時一以竣工時

言耶

三十八年里人虞溱熙重建鼎湖寺武林梵志鼎湖寺去城東

六十里在鼎湖中萬厓庚戌里人虞溱熙爲倡構室以居僧海淵等將興崇殿以復其舊

三十九年僧慧鏡建臥龍庵武林梵志佛日陽僧

石石下占有龍牀故曰臥龍庵

萬厓間太學生郭紹孔刻祈年二字於細礪洞康熙

仁和縣志細礪洞俗名旱洞明萬厓間太學生郭紹孔刻祈年二字於其上蓋爲里人每四月

八日於此洞占歲之豐歉也

郭紹孔建山舟亭於冰谷泉側咸濟志冰谷泉在臨平山寂光庵側

○臨平三十詠郭孝寬詩注冰谷泉在鎮西北
三里安山下萬厓中郭氏建亭於泉側各山舟
○杭郡詩輯續集金濤詩注郭太學名紹孔字
伯翼隱臨平山北得元人貫雲石海涯山舟二
字築亭冰谷泉李
不夜元暉為作傳

丁立中曰今南屏亦有山舟石刻字梁不翁侍

講則亦因得酸齋所書山舟二字因以自號

僧如良重建永慶寺

武林梵志僧如良就永慶院舊址構禪堂殿宇方伯吳公

書永慶禪林額

雲棲僧金輪重建佛日淨慧寺

浙江通志

又建石鼓亭

東江文鈔游佛日記

莊烈皇帝崇禎元年十一月翁汝進題龍王祠額曰

臨平記補遺卷二

十四

慧雲含潤

安隱寺志

三年沈一先補刻東坡安平泉詩

安隱寺志○石刻跋云里西安

平泉澄泓清冽近揖虎跑遠交錫惠余童而甘焉每以從前著水經傳茗事者品外置之真為孟浪及讀蘇詩始知此泉原有不朽之者舊有文忠碑刻失去各蹟烟消深足抱愧爰集蘇字壽此詩於石誌毋謾也崇禎庚午長至日後學沈一先道傳氏謹跋

大昌曰道傳為去矜之兄東坡真蹟為白氏取

去而此刻則集字刻之依然東坡手澤也道傳

云壽此詩於石其名不且與詩同壽乎

五年徐伯陵題安隱寺方丈

安隱寺志

十二年十一月俞時篤書翠屏二字於安隱寺

寺志時篤自記曰涪翁曾於此書翠屏二字嘉靖中失之予過安隱晤成慈師話昔時游蹟每以失此爲恨予因補書恐未能頓復舊觀也

魏本存曰宋代書法蘇黃齊名舊題之留於臨平諸寺守護當不啻玉帶之鎮金山也安平東坡舊碑洪武中白刺史取去而涪翁翠峯二字又失之於嘉靖中賺比蘭亭何蕭翼之多其人耶

崇禎間建三昧禪林於黃鶴山之陰乾隆杭州府志三昧禪林

在黃鶴山之陰明崇禎間建歷有名僧住持禪門法器稱雲集焉

重建寶慶院康熙和縣志

臨平記補遺卷二 五

龍拔檀樹成泉曰檀泉康熙和縣志

顧浩曰凡土燥泉稀之地掘井者必就大樹下求之輒得甘泉蓋樹恃泉以滋根下非遇泉則不能成數圍也

十四年大旱鑿石笕洩水里人陶子昂獻策修之

如故浙江通志崇禎十四年大旱諸開笕俱高不能洩水當事議去河底石笕可救田數千頃比洩水以石縫不能合多方彌縫終漏下里陶子昂獻策截運河兩岸水厚乾以猪肝雜瓦灰搗爛合縫不半日如故至今猶堅也

孫樹禮曰洩水鑿笕一舉由胡濬砌高故也石笕於時幾廢可不慎哉

十六年游洋將軍沈士逸讌集於章慶堂

堂讌集記堂落成之六年歲在壬午予師祝盛
庵先生至自海寧黃平立自橋李驥武景宣二
陸子宇台孫子至自郡城南鄰郎季子俱翩然
來集也家君以羣賢萃止遂張歌舞之筵子兒
弟持觴勸客酬酢燕笑極為愉快時維秋暮玉
露既零金花特盛一堂之內煥若春陽已而白
月東升列炬如晝簾幙低垂表裏映徹有吳伶
寶郎者能為淒斷之曲佐以絲竹愁慘靡曼聞
者啜泣清歌未終而雞已三號矣景宣起曰茲
會偶爾然皆一時之彥南北東西又詎得常聚
諸公能無一言以志其盛賓主十人先為柏梁
體一篇繼各賦七言律詩一首而視先生為之
序尊齒也明日家君命予總錄都為一集藏之
侯笥備觀覽焉嗟乎金谷蘭亭地且宿草而所
以垂名不朽者以逸少季倫為賓主耳豈以筆
歌殺禮為重哉予謂此堂終毀此堂之人終盡
而茲會則必傳其邀靈於諸子者正不淺矣又
數日驪武以會葬張西銘先生之婁東景宣之

臨平記補遺卷二 去

禦兒子師及孫子黃子亦各散去追溯快游已
為陳迹而金石之聲尚殷殷不匱也足悟文章
之可貴歷千載如是也
又何以聚散為歡戚耶

十七年二月十九日僧雲濤約沈謙及其兄誠與

姪游臨平佛日寺沈謙作游佛日記東江集鈔

予向與雲濤法師期為黃鶴之游癸卯二月十
九日謀之家兄舍姪輩將踐其約同出西關取
徑至安隱雲濤聞予入山甚喜遂偕行至新橋
望黃陵山松柏鬱森又三里許至石鼓亭額陸
之越書筆法秀整此即張華識石鼓處今名桐
扣夫吳蜀相距數千里木石異類合之則鳴司
空能辨之而獨暗於自謀何歟亭為佛日僧大
掄所建絲亭西進路踰石日嶺四山回合緋桃
夾修竹鳥多鶯鷓畫眉時已過午淡日在林微
雲翳之已至淨慧寺為唐本空禪師道場而天
衣明教主公皆嘗主席斯地洵東南古刹也門
有大松蒼翠奇崛相傳為空地手植寺廢時土

人伐之見嘆頭朱衣神皆惶怖走避亦稱悟道
松松下為甘露泉極清例元鮮于伯機游記云
揖蒼髯叟酌甘露而後入即此也宋楊無為詩
云佛日臨前水行人甘露杯須知源派遠直是
四明來其湖源似亦太遠豈泉名甘露喻法乳
所自來耶大寺額為倪鴻寶先生筆大殿倚山
為基地極爽塏朱扇碧瓦光彩煥然面黃鶴峰
峰高五百丈下瞰寺扉深翠欲滴復引泉自北
雷而灑於庭堦迴廊折繞上達東方丈俯視一
氣群峯伏焉又上為楞嚴壇據山之顛制度巍
煥壇高三四尺云關地丈餘取新土無垢者雜
以白檀沈速安息諸香末和合築成作黃紫色
僧引見山曉禪師各本誓四望而下茶舉主
僧清閒天童和尚弟子也嘗主法大隆安寺今
住茲山復至庫堂後觀濕洼泉出石罅中渟
送甘美因諷東坡細泉幽咽走金沙之句徘徊
久之予欲尋龍牀蓮花黃鶴偃洞諸勝雲濤促
游永慶阻予日不遇一各頭耳予笑曰佛亦水
師亦肉然覽勝者不可盡遂由夾山折而西水

臨平記補遺卷二

七

楊州太守徐伯陵議濬臨平湖處士沈議作臨平

湖考東江集鈔臨平湖考臨平湖在仁和縣東
湖開天下平湖塞天下亂之議故各吳出寶鼎
又各鼎湖一名東湖以對西湖故見唐釋皎然
詩及仁和县志魏廓道元注水經又各東江行
旅以出浙江其石函湖者則因吳郡志稱孫
皓時湖邊曾得石印也鄺注又云湖合漸江通
油陽元人裴伯宣及明田汝成郭紹孔輩皆疑
之然自錢氏築塘之後江湖改徙鳥鹵沮洳半
成平陸水道益不可考周十里有白龍潭公
王廟乃宋處女產龍於此故祀之及唐舒國公
褚无量有讀書堆諸蹟而志稱褚公故宅亦在
其旁今不知所在有四闡古以爲瀦蓄灌田之
用唐刺史白居易嘗議決西湖不足更決以添
注云漢以前無考三國屬吳孫權赤烏十二年
寶鼎見天璽元年一夕開除吳人以爲瑞謂天
下當太平青蓋入洛之祥也皓問都尉陳訓對
曰臣止能望氣不能達湖之通塞退而告其友

曰青蓋入洛者銜璧之事也巳而果驗是年又於湖邊得一石函中有小石印刻其上作皇帝字吳人以獻故收元天璽孫盛以爲元皇中與之符徵五湖之石瑞而晉以典晉屬錢塘元興二年湖爲已瑞使百僚集賀乃矯詔答之俄而元除陳後主至德二年仲冬朔夜臨平鎮俱沈爲湖方九里計郡以事聞後主怪之欲以民力實道御史胡敏奏稱陵谷變遷乃氣運不常也世爲尼鎮或致虧損宜建梵刹募選國中婦女入十人欽度爲尼仍命冬官建寺於鎮之西南各曰明因剋日成至禎明元年十一月湖復開陳主乃自賣於佛寺爲奴以厭之而陳卒亡唐時湖屬鹽官有龍鬪傾里往觀无量時年十三讀書宴然不動人咸異之舊傳堆上有讀書臺今廢五代梁龍德二年錢氏析錢塘鹽官置錢江縣湖又爲錢江地至宋太平興國三年錢俶納土四年改錢江縣爲仁和县始屬仁宗宣和中湖水大溢建庵各妙華以鎮之後高宗

臨平記補遺卷二

六

以迎太后駕幸其地陞爲龍興寺紹定五年築永和塘以捍湖之衝決許應和爲記稱永和隄阻鼎湖白龍潭之險卯風湍流黃夕鼓蕩一線漏則膏腴數百頃瞬刻就沒是時防溢甚密元末冬塞爲田佃爲魚池迨夫宏正之間日益淤塞萬歷三十七年爲司道檄縣清理而湖亦得稍復其舊謙按湖之開塞關係治理而湖州邑之形勝且淤塞既久則開塞關係必溢而早莫濡此疏濬之舉所宜亟行者也但四旁俱屬民產難於貯泥今取以築隄自西達東約入百餘丈卽隄成而湖浚矣昔蘇軾取西湖葑草築爲長隄而湖亦開朗誠爲兩便至今利之西湖東湖可二視哉茲因揚州太守譽星西陵別駕襲祥二徐公倡爲義舉將來湖隄漸次修復四閘出東江橋故道達於運河亮非一人甚切之力所得而辦蓋有望於同里之高明者并謙乃喜而爲臨平湖考以從史其成并史志詩文有關於湖者俱附錄於左

大昌曰志稱是年湖涸二徐議開濬沈謙勸其

用東坡濬西湖法會世亂不克施功文集此考
始卽上徐公之書也其末云并史志詩文有關
於湖者俱附錄蓋自是而臨平記之作已有成
竹矣雖功未克施而其論洵爲卓見也

處士沈謙撰臨平記四卷

臨平記云謙撰此書經始於崇禎癸未三月告

成於甲申十二月。海鹽祝文襄序臨平乃浙
杭一鄉聚耳界於仁和海鹽二縣其地有黃鶴
白龍祠魚寶鼎之勝產靈育秀鬱爲名區子自
戊寅首春應獻庭沈公之招命其幼子謙從予
游朝嵐夕月淪茗論文者四易寒暑游屐所至
竟日忘歸媿子潦倒不文無能一振山川之色
甲申冬月以事至臨平謙且疏古事古詩稱臨
平記其書自漢至元凡四卷曰事記二附記一
詩一蒐別甚精辨論亦博準之陳風信古之義
良有取焉子故戲之曰男子始生以弧矢射四

臨平記補遺卷二

九

方否則研京鍊都昌大其文何乃局於方域考
核不出里巷對曰謙聞之先生矣修齊本於誠
正不亦引而近之乎予無以應嗣後舟車南北
會晤甚希今年以視其母氏復來謙家里中諸
公方謀制闕此書僉以弁言見屬予遂樂而述
其始末以見謙淹雅之才及諸公好義之篤東
江文獻賴以弗亡苟充其用當未知其止而乃
以割雞薄之亦予之失言也已順治戊子新秋
曲園先生曰余四歲卽從德清遷臨平鎮臨平
屬仁和東西不過三里南北不過二里然其名
則甚古矣舊有沈東江先生臨平記四卷不分
門類惟依時代編纂潘夏珠先生有臨平續記
之作書佚已久名僅見於杭州府藝文志迨道
光中康蓮伯子蘭兩君續修之則倣州縣志書

體采輯甚富時先兄王甫館鄭夢白中丞家鄭
多藏書先兄每助之采輯焉亂後東江舊志尙
有流傳之本康氏之書不可見矣兩君數十年
心血付之雲煙殊可惜也

臨平記補遺卷三

仁和張大昌輯

附記

楚申將軍廟在臨平陡門橋咸淳臨安志申將軍廟在臨平陡門橋北三十

步鄉民祈求田蠶古祠父老相傳為楚申明父

白公作亂楚王命明伐之白公殺其父後人為

立祠。庭立紀闡臨平陡門橋有申將軍廟宋

末人碑謂為申包胥而咸淳臨安志云父老相

傳是申明父白公作亂王命明伐之白公殺其

父後人立祠不知申明何人春秋傳無之申明

必鳴字之謫所記者當是申鳴故稱將軍非其

父也申鳴事見韓詩外傳卷十及說苑立節篇

曲園先生曰申將軍廟相傳祀楚大夫申包胥

余向疑楚臣不應立廟於此或即伍子胥廟蓋

臨平記補遺卷三

臨平為錢塘江入海之處子胥潮神固宜有廟

因伍子胥奔吳吳與之申地故國語稱之曰申

胥遂訛為申包胥耳今見梁氏紀聞知宋時已

有申明父之稱父者男子之美稱不必疑鳴之

父矣

又曰宋俞珍有題申將軍廟詩云呼童出示綠

錦旛云是先朝勅賜物此亦申廟故實也

漢丁蘭故居在赤岸西潤玉亭下康熙仁和縣志丁蘭井在赤岸西潤

玉亭下其地即丁蘭故居大昌曰沈記丁蘭母塚條引西湖志餘丁蘭故

居在艮山門外三十六里名丁橋蓋疑地非臨
平故僅載丁蘭母塚而不及其故居今考諸志
橋梁門艮山門外有丁家石橋而臨平之桐扣
橋東亦有丁家橋臨平安隱寺五雲星橋東北
里許又有丁山橋志餘所云丁橋則未知孰是
且潤玉亭志餘又無聞今據志書此庶幾與无
量故居並傳

孫策與其季弟靜分軍夜投查瀆襲高遷屯

書孫靜傳策破劉繇定諸縣進攻會稽靜與策
會於錢塘是時太守王朗拒策於固陵策數度
水戰不能克靜說策曰朗負阻城守難可卒拔
查瀆南去此數十里而道之要徑也宜從彼據

臨平記補遺卷三 二

其內所謂攻其無備出其不意者也吾當自帥
眾為軍前隊破之必矣策曰善乃詐令軍中曰
頃連雨水濁兵飲之多腹痛令促具甕缶數百
口澄水至昏暮四維燃火誑朗便分軍夜投查
瀆襲高遷屯朗大驚遣故丹陽太守周昕等帥
兵前戰策破昕等斬之遂定會稽。水經注浙
江又東逕固陵城又東逕祖塘謂之祖瀆昔太
守王朗拒孫策數戰不利靜果說策曰朗負阻
城守難可卒拔祖瀆去此數十里是要道也若
從此出攻其無備破之必矣策從之破朗於固
陵。按舊本水經注祖瀆必矣策從之破朗於固
誤云三國志吳書孫靜傳作查瀆裴松之注云
查音祖加反祖當作
相此從趙氏刻本

大昌曰臨平與槎渡毗連見水經注成化杭州

府志渡瀆為一聲之轉已具辨前仁和槎渡村

麥秀兩岐條下而相查槎則又古今字也考舊

紹興府志於蕭山縣地理門云祖瀆在縣西引水經注昔太守王朗云云按孫靜云查瀆南去此數十里則查瀆在高遷屯之北高遷在今蕭山其北潁江則查瀆非蕭山矣云投查瀆襲高山遷屯高遷曰襲查瀆曰投因在永興界外在錢唐界內策已得錢唐故以投言否則當云襲查瀆及高遷屯也且紹興府志於會縣地理門又有查瀆引吳志云王朗攻會稽分軍夜投查瀆襲高遷蓋其於蕭山則沿舊本水經注之訛作祖瀆於會稽則依吳志作查瀆一地兩收已屬

臨平記補遺卷三

三

非是而以孫策攻會稽太守王朗事乃謂王朗攻會稽豈誤以燃火誑朗之朗字屬下讀耶抑並不更檢魏志王朗傳有無此語耶然則紹興府志雖列之地理門彼究未嘗詳覈也其誤爲附置固不待辨而明

孫灝曰吾家宗譜列始祖曰鍾生二子曰堅曰靜堅生五子長曰策是靜乃策叔父相沿爲季弟非也吳志策攻會稽王朗守固陵策數度水戰不克靜說策由查瀆進攻遂襲高遷屯定會稽志地里者莫不屬之蕭山毛奇齡蕭山志刊

誤已辨其謬矣茲定其地爲臨平而疑案以定
蓋固陵今西興其舊城額猶題二字今紹興府

城相去九十里高遷屯卽高遷亭漢有亭長以

兵戎言則曰屯高遷亭今爲柯橋鎮昔蔡邕識籛材於

此因以名其橋去今紹興府城二十五里卽漢

之會稽郡治靜欲得會稽反舍固陵而退投查

瀆者蓋由今臨平東北行二十七里有名秧田

廟者卽渡江處所謂小泗渡者是也對渡東南

南行十五里卽赭山由赭山南行十五里卽柯

橋矣江水轉徙無定其流固非古址然岸址之

臨平記補遺卷三 三

相去遠近終古不增減況江水日以南徙靜時

江水當去臨平更近於今此舉兵法所謂絕水

遠水批吭擣虛也故雖退投臨平查瀆而卽進

襲高遷以扼其背後世用兵者往往以臨平爲

要隘誠非徒浙西孔道抑亦浙東屏蔽也

晉葛仙翁鍊丹井稱鍊丹泉康熙仁和縣志在臨平

傳爲葛仙翁鍊丹井明嘉靖隆慶間有潘真人

者亦鍊丹於此國朝順治十五年里人甃作

方池味遂減於前

孫樹禮曰沈記盛稱安平冰谷獨遺此泉順治
十五年東江猶存乃任里人甃方池以減泉味

而不聞護惜何歟

唐杜牧隴在南山與佛日夾境浙江通志古蹟門有

志云在南山與佛日夾境世傳杜牧墓在此○

西湖懷古集南山懷杜牧之詩序南山在黃鶴

山北與佛日夾境郡國志山有杜牧隴在安仁葬

塚世傳杜牧墓按樊川自撰墓銘終於安仁疑其

於少陵司馬村先塋是墓在西京杜牧隴疑其

出牧睦州及為湖州刺史日所經別業也集中

有上宰相求杭州啟又為李烈作新造南亭

子記詩曰揚州蹤跡更湖州又向杭州一隴留

倚學荆溪營水樹也同句曲起山樓春風酒舫

偏傷別夜月簫聲易感秋賸與游人話惆悵茶

落花愁

孫樹禮曰浙江通志列此於古蹟門次葛隴朱

墅下其標題正作隴不作墓殆以咸淳志作墓

臨平記補遺卷三

四

為同音之譌故入古蹟門歟

贈禮部尙書諡文褚无量墓在臨平山文苑英華

神道碑開元庚申歲正月薨於長安崇仁里之

賜第粵某年仲冬歸祔於臨平之舊域○神州

古史考據舊唐書臨平湖為

褚公舊里故冢墓亦在此也

大昌曰沈記於褚无量事備極詳載至卒年月

日亦書而墓在臨平則未及之然以姚俊藏蛻

蔡準駮塔例之似應書之非特樵採之禁恃乎

後人而九原偶游亦藉動有作之思也

邱丹祠在景星觀藏一話映景星觀有

大昌曰邱丹棲臨平沈記不書而詩紀中則凡

邱丹作皆錄並及其無涉臨平之詩沈之重其
爲人可知祠宇之設似宜補錄之也

吳越王錢鏐折松於臨平水洞康熙仁縣志水洞在臨平山北

相傳錢武肅王於此折松故他處小松折之長獨此折之復生

張爾嘉曰折松復生說似近誕然花放來春舊

痕留一捻紅者且稱異焉况英武如武肅者耶

民部尚書吳公約墓在桐扣鄉康熙杭州府志羅

山蒼蒼吳水泱泱降生英靈爲公爲王以嚴師旅以奠封疆派而別者武亦鷹揚取直之功捍巢之蹟雖從本軍實展良畫踐履禁旅光揚事迹乃自西佳遷於破石上軍東伐諸將西征賈以餘勇資乃銳兵稽山霧廓京口波清再從貂冕始拜冬卿吳會紛紜淮右齊競驅其凍餒犯

臨平記補遺卷三 五

我疆境躬制聖王酬勞大起名重司元望高優
勁元戎承制官曹所謂雞省全資豹韜茶仰府
游載崇吾閩惟力是助厥功以舉雲霧干塚土
城萬杵率以資產役以軍旅乃頌異寵乃正華
資大國綱紀難知有裨于時有功于物一蛇疑天
胡可測神亦難知有裨于時有功于物一蛇疑天
動二品清秩不謂不達何獲何失瑞馬神羊金
箱玉室。十國春秋吳公約字處仁黃巢之亂
杭州入都既建已而析號十三都公約其一也
初負膽略爲縣豪會朱直起兵應募西討以功
署西桂鎮遏使未幾從董昌起兵應募西討以功
御史中丞奏置都額改破石爲訓兵於西鄙加
破銳日有聲稱武肅王破越州公約擢散騎常侍
兵罷拜千牛衛將軍劉浩平錄功擢散騎常侍
徐約陷蘇州王委公約專征授北面諸軍行營
招討使使蘇州授義和鎮邊使兼本軍水陸都
游奕使淮人侵擾公約扞禦疆域屢挫敵鋒遷
工部尚書俄改刑戶
二部乾寧四年卒

大昌曰八都義舉沈記盛稱曹信而公約亦入
都中人信為臨平鎮將而公約葬於臨平叔向
之思實並生愛慕於九原矣

仙人王子安乘鶴過黃鶴山續齊諧記黃鶴山者

此因名。郭北三山志黃鶴山與皋亭接壤而
離立俗呼為皋亭黃鶴峰舊謂因王子安過此
得名以故陶孫題皋亭雲中犬吠劉安過句證
之或是虛朱國禎湧幢小品言峰下周老人
得老君石像忽搏空去其時松花盛開羣鶴迴
翔花撲起鶴背黃故以名峰此說前無可考恐
好事者為之成化志云有黃鶴權權即寰宇記
樓字之訛嘉靖縣志遂云黃鶴權權修道于此今
縣志更云黃鶴公權者
輾轉支離可發一粲

羅架曰沈記盛稱邱丹羽化至以曲竹之生擬

臨平記補遺卷三 六

之杖擲鄧林而仙蹤翱翔尤為靈域增重乃仙
馭往來以訛傳訛浸至失實公權修道居接邱
丹慕之者其將挹浮邱袖而拍洪崖肩乎

佛日僧本空植松於寺門名悟道松東江集鈔

宋高宗皇帝御書永思賜羊嫁橋俞氏印雪軒詩鈔

觀宋高宗書詩序云臨平俞氏世居羊嫁橋有
額曰永思相傳宋高宗至此為金人所迫避入
其室俞氏兄弟二人兄名太和弟不可考膺力
絕人匠高宗而出關死焉高宗即位遂書此額
賜之此事不見記載而故老流傳或不誣也為
賦四首石鼓山前路金人捲地來狼煙傳漸近
魚腹困堪哀孰際重圍合能將勁敵摧偉哉雙
義士忍使沒蒿萊舊是農家子修予豈素請
緣懷憤切遂覺喪元甘蝸舍藏能密鴉鏃擊亦
堪同時諸父老應聽戰聲酣既就中興業爰指

瑞應圖湖山娛半壁肝腦憫雙塗御墨淋漓甚
忠魂慰藉無求和後來議幾輩愧非夫幸際春
游暇斜陽滿路紅三間等老屋兩字式英風軼
事人誰記荒涼鬼自雄崇碑磨百尺我欲表雙
忠

張爾嘉曰此事吾鄉人所傳皆如此光緒癸未
九月余與友人至其處有橋二左曰方家橋右
曰楊家橋蓋揚嘉與羊嫁又楊家之譌也俞氏
所居在二橋中永思二字大尺餘體仿平原款
在二字之間雖有剝落而衡陽王書筆畫猶歷
歷可辨上鈐印文曰皇明宗室則是額之書爲
勝國天潢之手墨而非南渡帝王之宸翰明矣

臨平記補遺卷三

七

因檢明史諸王世表考之衡封自貴燾訖寵淹
凡四代始永樂二十二年終嘉靖十八年今此
額不具年月不知何王所書也沈記於前明事
蹟概不登載且年代相去甚近尙知其詳故不
收入歟抑當日或實有其人實有其事而爲前
明重書歟疑以傳疑未敢竟以爲無稽也俞曲
園有揚嘉橋俞氏雙忠記見賓萌外集

班荆館在赤岸

建炎以來朝野雜記北使至闕先遣伴使賜御筵於班荆館在赤岸

岸去府四十五里○乾道志班荆館在赤岸港
○周密南渡典儀北使到闕先遣伴使賜御筵
於赤岸之班荆館中使傳宣撫問賜龍茶一斤
銀合三十兩次日至北郭稅亭茶酒上馬入餘

杭門至
都亭駟

丁立誠曰劉才邵櫛溪居士集卷七注云未定
都臨安之前鎮江平江盱眙皆邇行在皆有茶
藥御筵之賜定都以後則以赤岸為止嗟乎小
朝廷之自限偏隅良可慨也

以臨平曹家渠稅賜佑聖觀康熙仁和縣志曹家渠在臨平鎮西南宋

時以賜佑聖觀故至今觀中納稅

司馬樞題清洽軒成化杭州府志佛日寺有清洽軒司馬仲才題詩。沈記作才仲

大昌曰沈記錄於詩記中題作游臨平佛日蓋

臨平記補遺卷三

據鮮于游記收入未見成化志耳而清洽軒幾
如陸羽之遺卻安平矣

東京留守諡忠簡宗澤墓在臨平鎮宋家橋大清

一統志

羅槩曰宗忠簡公歸葬於京口之峴山曾懋為
文誌墓此墓相傳為忠簡公仁和縣志又列鎮
北一里亦稱為宗丞相墓兩存其疑不沒傳聞
之舊耳

大昌曰冢墓傳述非一自古為然故舜葬蒼梧
或以為歷城之蒼梧山或以為粵西之蒼梧郡

亦其類也鼓脣爭辨不若兩存其在一境內亦有殯處葬處之分如今之岳武穆墓則湖濱棲霞嶺城內眾安橋均於墓前建廟致祭必謂孰可信孰可疑固矣

趙王墓在臨平鎮西

乾隆杭州府志在鎮西八里黃山不知何王按鮮于樞游

記宋宗屬恭憲王子合鑠官太僕子孫居臨平云其裔至今尚存所謂趙王豈即恭憲耶

大昌曰鮮于樞游記沈書具載全文據稱淄恭

憲王考宋史宗室世系表太祖次子燕王德昭德昭生舒國公惟忠惟忠生東萊侯從恪從恪生贈太師淄王世雄世雄生贈太傅諡恭憲令

臨平記補遺卷三

九

鑠是淄王之子諡恭憲也世系表作合鑠游記作合鑠此又作合鑠皆傳寫之譌

太尉劉琦居黃鶴山北隴名太師隴

西湖志纂石姥峯在黃鶴

山之北宋太尉劉琦居隴名太師隴

文信國綠端蟬腹硯沈臨平湖

兩般秋雨盪隨筆硯修廣各三寸許

受墨處微凹底圓而凸象蟬腹沿左邊至頂刻謝皋羽銘云文山攀龍之明年疊山流寓臨安得此遺硯焉憶當日與文山象戲譜王竟金鼎一局石君同在座右銘曰洮山石碧于血千年不死萇宏骨歎識皋羽二字袁簡齋先生貯以檀匣而識原委於匣蓋云乾隆丁未十二月杭州臨平漁父網得此硯於臨平湖王仲瞿居士舟過相值知爲此文山故物以番錢廿元得之轉見贈余傲竹垞詠玉帶生故事爲作匣兼招詩流各賦一章甲寅二月望日記於小倉山房

時年七十有九

大昌曰玉帶生遺硯信國殉節後為謝文節所得此硯銘誌宛然其在鼎湖豈文節流寓時沈之耶劫後不知存否矣

三月二十八日奉香東嶽行宮

夢梁錄三月二十八日乃東嶽天齊

仁智帝聖誕之日諸郡邑皆有行宮奉香火杭州有行宮者五處吳山臨平湯鎮西溪曇山奉其香火惟湯鎮臨平殿廡廣闊司案俱全

曲園先生曰景星觀已見沈記矣然余疑景星觀非即東嶽廟也夢梁錄城內外諸宮觀一條云景星觀在臨平嶽祠之側可知景星觀本在

臨平記補遺卷三

十

宮觀之列初非嶽廟一統志景星觀在臨平山下與東嶽行宮對峙以其附近遂併為一談耳

四月八日祈年細礪洞

見前注

大昌曰此風俗之應記者也沈記於祈年事僅見於注特書之以見一方之風土

臨平山產薑

本草綱目

臨平鎮產絲

成化杭州府志海寧仁和上塘蠶絲於臨平市貿易居多

臨平山產條桑

蠶書條桑出於杭之臨平

臨平小林產甘蔗

夢梁錄甘蔗臨平小林產以土窖藏至春夏味猶不變小如蘆

名荻蔗亦甜

臨平湖產芡咸淳志芡仁和之藕湖臨平湖所產

仁和之藕湖
臨平湖俱產

大昌曰沈記於礪石曲竹之出備書之為美談
若此數者民生衣食所係顧可不與石竹並誌
乎

州鈴轄應奉局幹官楊靖償冤夷堅甲志臨平人

部花石至京師得事童貫積官武夫為州
都監將滿秩造螺鈿火鑽三合窮極精巧買土
人陳六舟令其子十一郎賈以入京一供禁中
一獻老蔡一與貫以營再任子但以一進御而
貨其於相國寺得錢數百千為游冶費愆期
不歸靖望之久乃解官北上遇諸宿泗間子畏
父責已乃曰所獻物皆為陳六所賣兒幾不得
免靖信之至京呼陳六詰問陳六答語不遜靖杖

臨平記補遺卷三

十一

之方三十陳呼萬歲得釋還至舟謂其妻曰楊
大夫不能訓厥子翻以其言罪我我運使王復領
赴汴水死靖兼幹官常留使院中時宣和七年
應奉局辟靖兼幹官常留使院中時宣和七年
也是歲四月某日靖在簽廳有網船挽卒醉相
毆破鼻出血笑入漕臺紛紜閒靖翼然如有所
觀不急趨入屏後遂仆地昇歸家即臥病語言無
緒不食時臨平鎮有僧能以穢迹法治鬼與靖
善遣招之至則見鬼曰我精於東嶽帝命自靖
非罪為楊大夫所殺赴懃於東嶽帝命自靖
牒迫逮經年不得近復還白帝怒上遣再來自持
楊靖不至汝無庸歸今又歲餘矣公門多神乘
久見壅遏前日數人被血入地輩皆驚避人
閒而進乃得至此僧論之曰汝地他生與是時
冤今世故殺汝汝又得取償翻覆無窮何汝捨
已吾令楊氏飯汝萬僧營大水陸齋薦謝汝時
之何如鬼拜而對曰曠昔之來苟聞和尙此語
欣然去矣今已貽怒主者懼或反命則冥漠之
中長無脫期非得楊公不可也僧無策可出視
靖項下有鎖日事已爾姑為啟鑰使之飽食且

理家事可乎許諾前拔鎖靖即起如平常然與僧纔異處則復昏困數日死

殿前司後軍副將賀忠遇鬼情史清熙初殿前司

途次臨平眾已止宿後軍副將賀忠與四卒獨

在後三里至蔣灣迷道詢於田父曰可從左

邊大道行方及半里遇柏林中一大第繫馬數

匹皆駟駿可愛問閭者曰此誰居之曰前邕州

呂使君今已亡但娘子守寡又問馬欲賣乎曰

正訪主分付於是微賂之使入報良久娘子者

出淡妝素裳脩脩然有林下風致年將四十侍

妾十數人延坐淪茗扣所欲以馬對笑曰細事

也俄而置酒張筵歌舞雜奏既罷邀入房凡三

夕始別驢以五花驄及白金百兩云家姊在淨

慈寺西畔住倩寄一書握手中至姊宅相見如

至湖上果於淨慈西松徑中至姊宅相見如

親仍約明日再集亦留與亂嘗往歡洽外報如

合人至姊失色然無以拒令人招賀入小閣峻

責之賀拜而謝過乃釋然經半載賀妻亡窀窆

之費皆出於呂氏乃娶為繼室逾三年賀亦亡

臨平記補遺卷三

三

先有三子一居市廛二從軍令人詣府投牒分
囊裝贈之而乞身於姊家同處明年寒食賀子
上父家因訪姊家姊云妹已歸臨平矣又明年
復詣其處宅舍俱不知所在惟松林內有兩古
墳賀子悲異
瞻敬而去

曲園先生曰此等幽怪之事殊不足記然郡縣

志書具有采此等事入雜記者况臨平一鎮之

書乎賀事必見於宋人小說書中惜情史不載

所出當更考之案賀忠事粹際祥淨慈寺志亦載之
雜記中未標引用書目文亦較畧

元杭州鈔庫副使張翥自號平皋鶴叟名蹟錄張紳
書朱伯盛印

譜後予座主張先生仲舉在杭一印曰平皋鶴

叟蓋用杭州三山名臨平皋亭黃鶴也。元史
翥為杭州鈔庫副使

丁立本曰翫心性之學受之李存聲律之學受之仇遠其後講學無成卒以詩著所撰蛻庵集古體頗類香山諷諭遺韻三字之鑄其放情山窟中雅懷若揭矣

王振鵬詠蜻蜓七修類藁王振鵬元世祖時人善見有蜻蜓詩畫卷於里中旌德觀誠妙筆也詩有黍離之哀想宋季之遺黎其卷多名人題識今亡矣今以記憶者錄之於左其自題蜻蜓詩曰露涼芳草曉風吹紗翼輕明水影欲莫使臨平日山下眼晴雙眩碧琉璃未二句意其寫圖之時必伯顏駐師皋亭之日不忍故國垂亡而虜騎之覬覦得詩人之比也故和者雲間張耳云翠華銷盡厲姦吹四翼低飛兩眼欲秋水藕花搖落久也愁碎點碧琉璃嘉禾周鼎云蜻蜓偷眼藕花風滿地

臨平記補遺卷三 三

裏百年遺墨灑嘯紅張世鳴云花落清明陣陣風臨平山下舊行宮蜻蜓不與和廢猶掠殘香覓怨紅平湖潘實云不隨沙鳥度涼風欵欵孤飛過舊宮十里湖山依舊在野蓮無主向誰紅上和夏時云曉起口口漲滿天眼愁側視嚇口口飛來小影風蒲外紅藕花開不及前仁和劉邦彥云舞風點水得人憐轉盼雙睛碧玉圓莫向臨平山下過藕花風景不如前

丁立中曰徘徊禾黍遺子僅存拜賜新恩愴懷故國振鵬以畫藝知名而蜻蜓一詠何啻管弦

凝碧之悲乎

理問王蒙墓在黃鶴山下萬歷杭州府志王叔明住黃鶴山今其墓尚在

山下

太師巴延甥女薩巴墓在臨平南明因寺東康熙和

縣志皇姑墓在臨平南明因寺東元太師巴延甥女薩巴葬此相傳以爲皇姑墓云

大昌曰沈記太師伯顏甥孫女撒八出家臨平

明因寺伯顏作巴延撒八作薩巴譯音無定字

字也惟胡澹碑作甥孫女志作甥女必有一誤

明副都御史贈尚書陳祖苞墓在黃鶴山乾隆杭州府志祖苞

晚年構精舍自娛額曰斐庵又嘗自號黃鶴山樵既卒卜葬於此及購丙舍有斐堂人以爲預兆

云

郭紹孔鐫安平泉三大字碑安隱寺志

福建興化同知馬廸墓在臨平山嘉靖仁和县志

張輿居臨平槎溪游覽志餘張輿字和中仁

臨平記補遺卷三 志

秋官楊尙綱居臨平槎溪丁養浩效唐集詩序云

月樓翁來京相諭適尙綱考最

遂受封勅其所居地名槎溪

楊州太守徐伯陵夷陵別駕徐仲徵築東綠野別

業於褚無量讀書臺側杭郡詩續輯金濤徐太守

名伯陵字警星世居臨平湖塔溪官楊州太守弟字仲徵字似車官夷陵別駕同賦歸田築別

業於唐褚舒國公讀書臺側又詩注云臨平山塔影照入臨平湖中因塔下南爲南宅橋北爲官坊別墅中有

霏玉堂見東江集

鄒在寅曰徐氏昆季偕隱清風高蹈足以媲美

於漢代之二疏繼乃與東江議濬開臨平湖以興水利則當飛遁已卜而於鄉里之間殷殷策

畫事雖未就其志宏矣

卓明卿瞻禮安平院寶幢石刻陀羅尼經卓明卿

安平泉記安平泉在臨平山麓安平院之前院
自齊梁間初舍利寶幢高揭雲表上勒陀羅尼
經一藏翻右軍書法幢上悉紀唐大中十羅尼
年迄宋元祐紹興諸人重建本始祝延字畫逼
真歐虞卽雨蝕薛侵尚手磨可讀東坡蘇公來
守杭州過斯泉勺而吝曰甘哉豈陸羽遺之耶
題詩院中初白刺史愛厥墨跡以廣書易去
院僧珍藏弗知也余髻弱誦蘇公詩知有此泉
嘗夢寐孤雲相與耳嗟夫方壺蓬島探奇士
惟淡烟不可卽也至若寰中名勝按籍可考復
崇之孤雲相與耳嗟夫方壺蓬島探奇士
徧歷茲泉僻在一隅蘇公臨賞垂三三百餘
遇余實嗣焉高所謂東坡遺筆銀諸貞珉蘇公
構亭澹源集所謂東坡遺筆銀諸貞珉蘇公與
泉映照源集所謂東坡遺筆銀諸貞珉蘇公與
千古哉

臨平記補遺卷三

五

黃冠姚君重建東嶽行祠疏泰爲五嶽之長封禪

者七十二君所以勒崇垂鴻號曰岱宗至重也
今祀享徧宇內郡邑咸有專祠其在吾臨平者
初于宋紹興十年淳熙初又增崇之改額景星
觀爲歷代仙真修煉之地有丹竈丹井諸名蹟
崇山環抱蔚然深秀實鉅鎮之壯觀以不戒於
火琳宮玉樓久爲灰燼有黃冠姚君者度爲浮
屠奔跌暑雪得復振興庭前雙梓樹儂死百年
忽起立識者異焉今神寢安矣祈報日繁姚且
年七十一餘白髮垂耳歸自五臺將終寂于茲
予言曰祠建而兩廡廟貌自待未成吾抱此志
願于公十年恐卒轉溝壑死且不自緩公急已
言于公十年恐卒轉溝壑死且不自緩公急已
子猶不免焉乃方外之徒不敢自負其志願不
足多乎况祠之貌與庶也猶不敢自負其志願不
偉然之軀而垢其容髻墮其四支不惟已幸歲
濯矯奮之思卽觀之者亦必謂非全人茲幸歲
豐物阜百廢具興而姚之勤也又適與事會
予敢跂足以望其成雖襄者之力同于奉土無

益泰山然寸草答春暉亦各自竭其私耳
予又何惜效馬卿撰書為林處士所輕耶

僧寂朗建庵於安隱寺之東名曰棲林安隱寺志

傳時有陳氏子五官者屠牛為業感師之化無
以為報探師有居山之意傾家資五十金買地

於邱山之陽為師建蘭若於安隱寺之東
名曰棲林居陳氏子遂求剃度名曰寂朗

楊振鎬曰放下屠刀立地成佛若陳氏子者於

彼法中誠卓著矣棲林之築諒無忝於祇園布

金焉

僧心悅重建龍興寺東江集鈔重建龍興寺募疏

曰西湖曰臨平湖其則為民利渙之則為民
害治之者咸有循吏保障之稱強弩射潮者錢

以王鏐也去葑築隄者蘇守軾也而臨平湖開塞
以為治亂徵始因漢讜驗于吳占至陳貞明勢

臨平記補遺卷三

六

益洵洵民有懷襄之懼叔寶建寺以禳今所謂

明因者是也宋宣和七年復大漲溢又有妙華

以迎太廟後改徙而南膏腴之為寺而賜號

龍興土木之華鬱為名刹屢屢振皆有高僧

主之乃今歷年彌久顏敝滋甚龍象飄搖鐘鼓

暗絕者數十稔矣有僧心悅矢願復之擊木徇

途三易寒暑鄉之長者無不重其行哀其誠襄

其力推之郡邑猶是也嗟乎陳宮朱闕草蔓烟

荒而明因能興輿輿然尚在此範瑳京貫之徒無

心悅之志故無心悅之功耳倘得高明援手布

地有成寶鼎含光金輪再轉則三吳俱為安壤
將得與錢王保障蘇守循良同歌思若夫奔
走播遷六飛偶駐亦何足為茲寺之歌思若夫奔
游洋將軍沈士逸築簡園杭郡詩續金濤詩注

獻廷官游洋將軍嘗備兵甬上晚年隱於醫闢

園一區有章慶堂晚娛樓瑞竹堂延賞樓黃石

庵浮月廊雲邱石槎此君軒獨醒居疑舫閣芙

蓉嶺宛在亭雲華館雪竇狎鷗灘采珠臺諸勝

一時名公卿題詠甚眾有簡園詩集柴虎臣有故游洋將軍沈公傳

高保康曰沈記祝文襄序云予自戊寅首春應獻廷沈公之招命其幼子謙從予游是東江之尊人曾官游洋將軍而東江亦隱於醫箕裘之紹東江有之

簡園生瑞竹於堂

東江集鈔瑞竹賦序竹金色嵌碧節節勿之爽司空祝先生攜

自嶺南家君植於堂踰年生竹成碧節節嵌金亦勿爽武原磊庵吳公聞而嗟曰此近於瑞矣遂以名堂姚太學叔祥為記謙亦續獻是賦

王同曰曲竹之異由邱丹而東江之堂迺見瑞竹茲事雖微實足與曲竹相為媲美先後是亦

臨平記補遺卷三

七

以見物產之異焉

唐世濟作佛日寺金臺大師記刻於石石刻文云

不一而夾山則湖之廬山也山以水名山以精藍名在精藍者蓋代有人也余與表益大司寇沈公何山得金師以繼石機兩俱雲棲嗣也金師幼而敏穎嘗讀一切世緣棄去從蓮池教觀通因決志禪學一切世緣棄去從蓮池教典悉曉暢言下迎刃不啻灑陽一笑以故蓮池最器之其後雖負笈從紹覺然其名視覺適上學人嘗稱一北夢於雲棲再兆夢於蓮山居固日亭之後身也迨夾山稍竟業過泉亭山佛日為之止錫曰有是哉沃蕩迴薄當大悟得雲人居佛日舊為錢唐勝刹自唐本空以宿悟得雲人居實為開山之祖厥後傳有燈明教天衣十餘人相繼而興尋亦中落金師以道緣振起一時因奕為諸方望固不自居也以願力還願力以因緣還因緣大以法還法以山還山老何有哉既為佛昌大聞鷲峰頂養菴大開講壇於江左

瓢笠而前悉得雲棲之傳所垂句語授以海塘折
皆有無者皆無迄今為學人指點以至於海塘折
毀三郡受災為之持願而止狂瀾蓋願滿於持
其間徇肌膚者不端固人定勝天也又不自居
也甚而江淮猛獸北土豚雞竊以焉知日無海
鷗何有山君為民害乎爰問屏跡北渡山之味
以道法師攝伏夷然謝之又不自居為齷為味
兩不自居余蓋審金師之持者願也故所至藤
蒲花水俱清涼境界或以願滿為崎觀使人天莊
嚴有不可思議不知其唯吾願也絕不使人天
界中作崎觀也余與沈表益夾山緣起如此猶
夫山水以精藍名也山水何心哉賜進士第資
德大夫正治上卿都察院掌院事左都御史兵
部左侍郎巡撫南贛提督軍務右僉都御史大
理寺左寺丞巡撫淮陽漕運理河巡視京營
掌河南道監察御史經筵侍臣唐世濟撰

大昌曰金臺名大掄本儒家子見 國朝順治

十三年河北張縉彥所撰金臺大師銘石刻惟

臨平記補遺卷三

所云海塘圻而三郡災山君橫而居民逋金臺
以精誠禋格之一試而感再試而效其事今已
湮沒無聞知者尠矣

平和將軍陳萬良敗於臨平尋遣山陰諸生翁思

明與馬雲龍范貴還臨平發所藏金自靖錄考

鄉紳掛平和將軍印總兵官中軍都督府同知
陳萬良字鳴皋初偕平和副將軍徐龍達進橋
司攻德清龍達陣亡於城下萬良得脫收殘卒
戰於翁家埠復敗藏印於田婦儘者飯下諸生
胥美繼屬陳明環蹤迹得印以歸萬良已而復
戰敗於仁和縣之臨平鎮散其眾而與其黨馬
雲龍范貴及山陰諸生翁思明等數人易其黨
馬奮龍鞭脫去懸富陽之尖山尋遣思明同雲
貴等還發臨平所藏金為大清思明同雲龍
營所覺雲龍見殺思明被執不屈

大昌曰陳萬良徐龍達陳明環翁思明馬雲龍
皆明季殉國之遺烈也雖拒師臨平不殊螳臂
而孤忠亮節媿於蒼水焉

沈謙隱居南樓

應擢謙東江沈公傳沈謙字去矜
四聲入鄉塾羣兒喧誦君獨端坐默然詰朝責
課則朗朗無遺師甚異之九歲作時藝涉筆便
佳家初頗饒饒遇童子試父欲從事于請君輒引
告不願篝燈夜誦率雞鳴始罷坐臥所為南樓
者二十餘年崇禎壬午補縣學父以年老分宅
居三子會家遭難兩兄南園焚掠幾盡獨不及
君居君即割宅畀之千金之資不以已析稍有
吝色後家計零落終肆力詩古文口不談世務
亦不求仕進父疾旦夕祈禱衣不弛帶居二喪
毀瘠嘔血娶徐氏夫婦愛敬如賓米鹽之司悉
以委之優游藝林終不籌計先生產有六丈夫子
不事夏楚悉馴順治間嗣先人爲岐黃業暮

臨平記補遺卷三

九

年益助詩賦自喪妻長子深悼成疾每有沈鬱
輒託之歌詠下帷凝坐手執一編家人請事若
弗聞也上自經史下及諸子百家稗野之書無
不淹博始每憑南樓長嘯與毛稚黃張祖望賦
詩爲樂後復葺數椽爲寄傲之地爲東江草堂
因號東江所著東江集有詩賦二卷十一卷文十
卷詞譜南曲十二卷共四十三卷行於世又有詞韻
平記已梓板燬及半未行嘗寓書其友毛先舒
曰文集必須全不自較定若謂多子孫門下士可
以託之使傳全不知先一年未安枯髯欲斷之若
於康熙庚戌二月卒先一年未安枯髯欲斷之若
曰汝母先我十年而卒去歲當與汝母共饗矣
諸子皆驚莫測其故而臨卒呼子昭曰吾將逝矣
雖齋志以歿不起攝衣冠言訖而逝君天性孝友
而正命焉遂起攝衣冠言訖而逝君天性孝友
素志長厚生無疾言遽色故舊族戚睦以至
情及門之士每欣提獎頗自澹治飲蔬衣布宴
如也室內常躬自洒掃性不喜飲願好客時卽
甚貧或賓朋過從必質衣治具歡笑達曙其友

應搗謙嘗至臨平賣筮君命二子受業將卒命其子昭曰汝師知我盍請為傳後二年昭泣請遂以傳之

沈謙與兄誠子聖昭潘夏珠游臨平湖作秋夜夜

泛臨平湖序東江集鈔秋夜泛臨平湖序臨流

夜隄柳暗籠畫舫浪花高撲疏簾其看沈醉玉

山俱頽更聽新念吳宮蔓草天璽難求陳閣烟

勝地而增榮因念吳宮蔓草天璽難求陳閣烟

楊詠嘉以安平泉與沈謙詩為東江二絕東江集

詠嘉書足下以安平泉及去矜之詩為東江二

絕嗟乎僕詩何足當此泉哉水味甘香勝乳故

舌人嗜之吾所作詩皆辛且苦宜世之橋

臨平記補遺卷三

大昌曰曹師魯稱為曹晏嬰具見沈記然則東

江二絕洵亦足以膾炙人口也矣

沈謙墓在臨平山毛先舒撰墓誌銘臨平鎮在杭

東湖諸名勝風土清曠而渾樸往往有工文持

高節之士出焉如唐邱丹宋沈友直皆是也余

友沈去矜家臨平高士也卒將葬于聖昭來乞

余銘余雖病臥弗敢卻嗚呼去矜與余同齒而

生先余九月病臥弗敢卻嗚呼去矜與余同齒而

十餘年不疋好好也去矜少穎慧六歲能辨四聲

益藉籍吳越齊楚之士過鼓村車轍恆滿去矜

聲藉籍吳越齊楚之士過鼓村車轍恆滿去矜

憤憶已卯庚辰之間流賊躡蜀豫轉入三晉時

遣重臣將兵出率挫劔遁逃西北勢已危而大
江以南飛蝗從北來蔽天米一石值六七錢
饑饉連數歲道殣如麻士大夫扼腕慨直
陳時事聯絡風聲互相推與懷古之人攬轡登車
之思焉是時逸真先生亦開章慶之堂多延冠見
學士與去矜為周旋陸景宣為東南士類冠見
館於沈氏與諸公賦詩怨歌飲酒連日達夜余
時臥病不得與然心嚮而馳蓋意氣猶壯也越
四年天下亂客皆散去於是去矜遂自託迹方
技絕口不談世務日與知已者余與張祖望登
南樓抒觥高吟樓東眺海西望皋亭羣峰蒼狀
大河南流酌酒臨風憑弔千古時稱吳錦雲陳
子景宣故亦南樓客也又與柴虎臣吳錦雲陳
際叔孫宇台丁飛鴻虞景銘稱西陵十子云去
矜為人孝友父沒毀瘠嘔血東鄉盜起章慶堂
焚堂本分居屬兩兄既燼去矜即割已宅居之
久兄兩逸真徒去去矜念兄貧苦餓宅固留以
讓兄自逸真先生沒母范氏夫疾數年竟卒子
聖旭相繼去矜悲悼漸成疾疾數年竟卒子
五十一所著東江集鈔詞韻詞譜南曲譜古今

臨平記補遺卷三

三

詞選臨平記沈氏族譜傳奇凡若干卷屬續時
語聖昭以傳屬應嗣寅為之而託先舒銘墓先
舒自巳酉春病劇因甚三月十四日錦雲之官
南和宴友生為別虎臣過余正月往不能行去
矜時買舟入會城視余乃明年正月虎臣死
月亦至余以宛轉牀是月錦雲卒于官三月內
問人唐韓愈云人欲久不死身不及過時而三
故况人為僧去矜諱謙其先為湖州武康人十
也况人為僧去矜諱謙其先為湖州武康人十
景宣為僧去矜諱謙其先為湖州武康人十
世祖奇英居臨平始大傳為竹軒公官九江府
十洋傳為逸真先生諱士逸去矜尊公也嘗為
且聖耀聖麻聖暉孫五去矜嘗云著作須手定
自刻庶保垂遠若以俟子孫恐已作北邙土安
二分值也枯心落髮苦辛大極已昭與諸弟竭
能復知身後名邪語罷太息今聖昭與諸弟竭
力為亡父刻平生遺書可謂孝子也敬為銘
曰鎮西山英鬱哉佳城宿衛是宅幽人之貞嗟
麟不可脯鳳不可羹道在則見嘉祥斯徵或見

或隱厄平時命激而爲文孔陽且靈辭以
立誠道乃大宏石鼓之無聲桐扣之乃鳴

臨平記補遺卷四

仁和張大昌輯

詩記

唐

顧況

臨平塢雜題

山逕柳

宛轉若遊絲淺深裁綠崦年年立春後卽被嘒鶯占

石上藤

空山無鳥跡何物如人意委曲結繩文離披草書字

臨平記補遺卷四

一

薜荔庵

薜荔作禪庵重疊庵邊樹空山徑欲絕也有人知處

芙蓉樹

風擺蓮衣乾月背烏巢寒文魚翻亂葉翠羽上危欄

焙茶塢

新茶已上焙舊架蔓生醜旋旋續新煙呼兒劈寒木

欹松漪

湛湛碧蓮漪老松欹側卧悠揚綠蘿影下披波紋破

彈琴谷

谷中誰彈琴琴響谷冥寂因君扣商調草蟲驚暗壁

白鷺汀

蘼靡汀草碧淋森鷺毛
白夜起沙月中思商捕魚策

千松嶺

終日吟天風有時天籟止
問渠何旨意恐入凡人耳

黃菊灣

時菊凝曉露露華滴秋灣
仙人釀酒熟醉裏飛空山

臨平湖

采藕平湖上藕泥封藕節
船影入河香莫衝蓮柄折

山春洞

引燭踏仙泥時時亂乳燕
不知何道士手把靈書卷

臨平記補遺卷四

二

石竇泉

吹沙復歎石曲折仍圓旋
野客激流時杯粘落花片

古仙壇

遠山誰放燒疑是壇邊醮
仙人錯下山拍手壇邊笑

曲園先生曰臨平人所豔稱者
惟宋僧道潛藕

花無數滿汀洲一句至今以爲
美談乃讀顧逋

翁詩則逕柳石藤荔庵蓉榭足
佐詩情畫意者

不一而足沈志失收東湖減色矣

訪邱員外丹

五月五日日亭午獨自騎驢入
山鵑來到君家不見

君下驢倚杖叩君戶驚起山童開山扉黃犬搖尾銜
人衣試問先生往何處云入山中采紫薇平明一去
今未歸引我池中看釣磯池中數箇白鷗兒見人慣
後癡不飛待君歸來君未歸卻復騎驢下翠微

曲園先生曰沈記於唐人贈邱丹詩悉錄之而
失錄此詩按此詩見宋陳郁藏一話腴云邱本
唐人棄官學道於此顧況訪之云云有詩無題
姑據話腴題爲訪邱員外丹未知原題云何也

李紳

字公垂潤州無錫人官至檢校右僕射平章
事節度淮南贈太尉謚文肅有詩文集四卷

卻到浙西

臨平記補遺卷四

三

出杭州界入蘇州八年浙西六郡災旱百姓
飢殍道路相望米價翔貴是歲浙東大稔因
請出米五萬斛賤估以救浙西居人詔下蒙
允是歲王璠不奏飢旱反怒鄰境所救以爲
賣已遂與王涯合計誣構罔上奏陳米非官
米足私求利及璠伏誅蒙聖恩加察姦邪所
罔初入浙西蘇州界吳人以卹災之惠猶懼
旌璠留戒於迴野之處不及城郭之所則相
率拜泣於舟楫前是歲盧周仁爲蘇州刺史
臨平水竭蒹葭死里社蕭條旅館秋嘗歎晉郊無乞

糴豈忘吳俗共分憂野悲揚日稱嗟食林極翳桑顧
所求苛政尙存猶惕息老人偷拜擁前舟

原注臨平湖竭鄉人

言人有饑患是歲中水竭魚鳥皆死

大昌曰舊史稱李公於太和七年檢校左常侍
越州刺史浙東觀察使詩序云是歲浙東大稔
始卽太和八年李公居浙東觀察使任時也出
米救浙西居人之請於民瘼痼壞殊切今讀是
詩較諸元結之春陵行鄭俠之流民圖猶僅及
其所撫之畛域內也及公至宋毫汴潁則秋旱
大蝗獨不入境浙東是歲大稔得謂非公所致

臨平記補遺卷四

四

哉

邱丹

奉使過石門觀瀑

謝康樂宋景平中爲永嘉守有宿石門巖上
詩余六代叔祖梁中書侍郎天監中有過石
門瀑布詩後亦爲此郡小子大厓中奉使竊
有繼作雖不足克紹祖德追蹤昔賢蓋造奇
懷感之志也

溪上望懸泉耿耿雲中見披榛上巖岫峭壁正東面
千仞瀉聯珠一潭噴飛霰嵯澌滿山響坐覺炎氛變

照日類虹霓從風似綃練靈奇旣天造惜處窮海甸
吾祖昔登臨謝公亦游衍王程懼淹泊下磴空延眷
千里雷尙聞巒迴樹蔥蒨此來共賤役探討愧前彥
永欲洗塵纓終當愜此願

秋夕宿石門館

暝從石門宿搖落四巖空潭月映山足天河瀉澗中
杉松寒似雨猿鳥夕驚風獨卧不成寢蒼然想謝公
曲園先生曰沈記因邱丹集不行於世故雖不
涉臨平者亦錄之余讀全唐詩又得二首錄補
沈記之缺

臨平記補遺卷四

五

又曰沈記以邱丹爲臨平人考全唐詩云邱丹
蘇州嘉興人諸暨合厯尙書郎隱臨平山則臨
平乃其流寓而非土著也其湛長史草堂一首
沈記已錄之而失其序序云無錫縣西郊七里
有慧山寺卽宋司徒右長史湛茂之別墅也舊
名厯山故南王劉鑠有過湛長史厯山草堂詩
湛有酬和其支野而興特以松石自怡逍遙岑
寂終見止足之意可謂當時高賢矣至齊竟陵
王友江淹亦有繼作余登茲山以觀三篇列於
石壁仰覽遺韻若穆清風遽訪湛氏胄齋山下

猶有一二十族得十三代孫略觀其譜書牋墨
塵蠹年世雖邈瑩壠尙存余披宋史畧不見其
人心每惻歎悲夫斯人也而史闕書然有其一
篇則爲不朽矣因復追緝六韻以次三賢之末
時有釋若水者蹤跡茲山修念之餘鑿嵌注壑
醜入諸界無非金碧鉢帽之資悉償工費是以
道友邑僚風翫嘉賞嗚呼得非茂之之緣果而
陰隲於上人不然者何竭慮之至耶余聖唐山
令臣也屏居臨平山墅亦有年矣嘗諷茂之篇
句云衰廢歸邱樊歲寒見松柏不覺禪意超散

臨平記補遺卷四

六

若在廬霍之間矣異時同歸猶茂之不忘也嗟
乎湛君用刊巖石俟俟後世之知我者得不繼
之乎貞元六年歲在庚午檢校尙書戶部員外
郎兼侍御史邱丹志味其語意亦止隱居臨平
未必爲臨平人至石門觀瀑詩序稱余六代叔
祖梁中書侍郎則卽邱遲也梁書稱邱遲爲吳
興烏程人是其先世又出吾湖矣

又曰觀湛長史草堂詩序末署貞元六年歲在
庚午檢校尙書戶部員外郎兼侍御史邱丹志
此其官位之可考者沈記竟以爲隱淪之士亦

失之

劉威會昌時人

游東湖王處士園林

偶向東湖更向東數聲雞犬翠微中遙知楊柳是門處似隔芙蓉無路通樵客出來山帶雨漁舟過去水生風物情多與閒相稱所恨求安計不同

周元瑞曰王處士名佚園林基址亦已就湮今

觀劉詩其芳躅高踪猶可想見幽棲逸趣

朱沖和

錢塘酒徒與張祐同時

遺臨平監吏

臨平記補遺卷四

七

三千里外布下戈果得鯨鯢入網羅今日寶刀無殺氣只緣君處受恩多

吳慶坻曰吳允嘉武林耆舊錄亦載此詩君處

作君室所遺未知何人而似諷似譏其意旨頗

翛然遠也

宋

蔡襄

字君謨興化仙游人官至端明殿學士有忠惠公文集

杭州臨平華嚴寺西軒見芍藥兩枝追想吉祥

院賞花慨然有感書呈蘇才翁

原注辛卯四月案秋碧堂帖

本華嚴作精嚴

吉祥亭下萬千枝看盡將開欲落時卻是雙紅有深
意故留春色綴人思

烘簾微照自生光吹面輕風與送香誰把金刀收絕
豔醉紅深淺上釵梁

的的花名對酒尊欄邊沈醉月黃昏今朝關外尋蘭
若忽見孤芳欲斷魂

案蘭若秋碧堂帖本作蘭惹

沈汝諧

杭州人官金部

臨平山

山勢分明飲水鼉孤峯西轉鬱嵯峨不須探問山童
藥且挹朝來爽氣多

臨平記補遺卷四

八

丁立誠曰老學庵筆記春渚記聞癸辛雜識皆
言臨平山形如駝咸淳臨安志載沈氏此詩作
鼉不作駝然以負重則行遠之說見陸游入蜀
記於蔡京築塔爲合作鼉疑同音之譌

李綱

字伯紀邵武人官至宰相諡忠定

初到臨平見山

孤舟渺渺兩山間終日鉤簾只看山落日半銜霞未
散疏林漸暝鳥初還淒涼離恨誰能寄浩蕩詩愁自
莫刪賴有青山可人意與君相對且開顏

楊萬里

字廷秀吉水人官至學士諡文節有誠齋集

入長安開

船出長安恰五更歸人都喜近臨平陰晴天色知何
似蓬上惟聞埽雪聲

過臨平

臨平放目渺無涯蕩蓮蘋汀不釘牌雪後輕船四撈
漉斷蘆殘荻總成柴

人家點綴荻花林水繞階除雪溼襟最是疏籬與修
竹腳根半入小河深

大昌曰以上皆載朝天續集其時以銜命伴使
客過臨平已酉冬日之作以下皆次年庚戌春

臨平記補遺卷四

六

送使歸程所作

臨平解舟

竹籬短短門小小少年獨立春風曉柳芽縮爪尙怯
寒金粟斑斑滿枝了船過橋下橋絕高波清深見一
截篙市人夾水爭出看無數漁舟避東岸

泊舟臨平

拂溪十點五點雨縠紋織出團花縷花頭細大雖不
勻一花銷時一花吐北風卷雲如卷簾忽然收盡玉
廉纖天光卻在水光下天水鎔作鏡一匳好山隔市
望不見祇有清溪照人面

臨平泊舟

前窗向市下卻簾後窗臨水開卻門岸頭楊柳報春
至溪底雲天隨浪翻隔溪數閒草茅屋繞屋千竿翠
瓊竹三老鳴鉦樣柁樓今宵又向臨平宿

過臨平蓮蕩四首

蓮蕩層層鏡樣方春來嫩綠斬新黃角頭一一張蘆
箔不遣魚蝦過別塘

蓮蕩中央劣露沙上頭更著野人家籬邊隨處插垂
柳簷下小船縈釣車

朝來采藕夕來魚水種荷花岸種蘆寒浪落時分作

臨平記補遺卷四

九

蕩新流漲處合成湖

人家星散水中央十里芹羹菰飯香想得薰風端午
後荷花世界柳絲鄉

王同曰誠齋五詩描寫臨平湖景物如繪其地
故多隱君子也

范成大

字致能吳人官至學士謚文穆有石湖集

臨平佛日

帆掠楓橋意欲飛西山雲物遠依依回思客路豈非
夢乍聽鄉音真見歸舊事嬾從年少問故人稍覺坐
中稀不須更說桑榆晚杭稻鱸魚也自肥

大昌曰沈記不錄此詩以楓橋非臨平然萬厯志旣收或有所據况云帆掠楓橋似是取道過楓橋而至臨平則楓橋不必屬臨平也

臨平道中

烟雨桃花夾岸栽低低渾欲傍船來石湖有此紅千葉前日春寒總未開

高翥

字九萬餘姚人有菊欄小集

過臨平

征帆一片白鷗輕起揭船篷看曉晴梅子著花霜壓岸自披風帽過臨平

臨平記補遺卷四

十

黃文雷

字希聲盱江人有看雲小集

舟中四首

錄一

臨平山下道潛游春半蘆芽藕未抽野水無情天更闊不知何處是汀洲

朱南杰

古徐人有學吟集

出嘉興

舟出嘉禾五里城僧樓山塔互崢嶸酒旗密比隨風舞漁網橫拖漾日晴畫舫貴人帆去穩單衣游女著來輕山歌已接長河堰到得臨平月又明

許棐

字忱父壺山人有梅屋詩藁

晚泊臨平

晚卸風帆泊市橋
稅亭民屋總蕭條
秦封不到河邊柳
送往迎來枉折腰

張景雲曰秦封二語頗極抑鬱之感怨而不怒
有風人之旨

利登

字履道號碧澗
金川人有被藁

臨平春日有懷

少年賤生理嗜書彊解事
長懷希南風趨數慙北鄙
乾坤雙鬢改日月寸心死
誓從鹿豕游乃復叨一第
兩年三作別雲霧生馬耳
臨平二月春花事歸桃李

臨平記補遺卷四

十一

獨尋處士梅三肅湖邊水
一官未得仕畏首復畏尾
旁觀未知羞自愧已無地
懸知簪紱會擾擾事萬起
終當綠霧中友彼乘龜子
南柯不世勳僅足雄衆蟻

張良臣

字武子大梁人
有雪牕小集

過臨平

兒時曾憶此登臨
細說窮途有述征
四十九年蘧伯玉
月明人靜過臨平

黃復之

字幼張

過臨平

孤蹤逐浪萍幾度過臨平
人語水相應帆移山倒行

鷺飛秋嶼冷虹飲晚川明不是憑詩句丹青寫不成

方岳

字巨山號秋崖祁門人官至中秘書有秋崖小稿

觀天井

雷斧何年鑿翠成老龍吟苦雪濤驚霜晴未用爲霖
在留與春蓑作太平

大昌曰沈記細礪洞詩注云其後爲龍洞爲天
井早未嘗涸而細礪洞又名旱洞遇旱祈禱拜
祝投牒卽水渦盤旋没入信宿輒大雨故此詩
及龍吟與爲霖之語也又乾隆杭州府志云天
井在臨平山頂據咸淳志井大方闊約二丈積
水深八尺雖旱未嘗涸仁和縣志云又西山頂
一泉亦名天井俱大旱不涸

樓鑰

字大防鄞人官至學士諡宣獻有攻媿集

宿佛日山

平生臨平山知誦藕花句輕帆幾往來山色澹如故
甯知千萬峯中間著佳趣蕭蕭蒼髯翁爲指化城路
我來春正濃天寒日將暮雲深鐘唄鳴自喜得勝具
緬懷玉局仙老筆埽朝霧玉槩儼相持珠旒竟何所
惟餘渥洼水蒼龍牙角露人間翻覆手烈日變烟雨
俗子眩炎涼三四錯賦芋道人笑視之萬化隨所寓

深坐十笏地一息了千慮箇中誰得知幽鳥背人去

趙希櫨

字誼夫汴人太祖九世孫有抱拙小藁

過臨平

市井蕭條景物非居人猶號永和隄春山十里斜陽樹漠漠殘紅杜宇嘯

游臨平乾洞水洞

兩洞深如許神龍此奠居山空仙去久路險客來初風雨千年暗雲烟四壁虛自指巖石蘚閒把姓名書

吳龍翰

字式賢歙人有古梅吟稿

晚舟過臨平

臨平記補遺卷四 三

煙鐘喚起夕陽愁森森臨平春事幽惟有風蒲愛吟客岸邊撩亂縮行舟

牟巖

字獻之蜀人徙居湖州官大理卿有陵陽集

贈東臯講師

飛錫曾聞五臺去雲閒瑞相是耶非峩眉清現更奇絕萬里白頭我未歸

東臯何事字無功講罷應知萬法空時枕茗溪作歸

夢臨平一路藕花風

汪元量

字大有號水雲錢唐人有湖山類稿水雲集

吳江

吳江潮水化蟲沙兩岸垂楊噪亂鴉舟子魚羹分宰
相路人麥飯進官家莫思後事悲前事且向天涯到
海涯回首尙憐西去路臨平山下有荷花

元

揭傒斯

字曼碩富州人官至侍講學士諱文安

黃鶴山聽雨

元扃息深構虛館含餘清瀟灑松下來瑟縮花間鳴
遙兼夜柝警細與寒更并懷清感離別撫物媿生成
土思浩方殷春深耿愈明幸及朋知好達此旦暮情
北展非窮轅南山夢歸耕何言託豪素聊以款平生

臨平記補遺卷四

古

陳基

字敬初臨海人官經筵檢討有夷白齋稿

臨平

濃露不見人晨曦忽出嶺倉卒過臨平舟眠猶未醒

次韻臨平道中

杖策從軍事戰征簡書人畏漢章程去年此日山前
路十萬妖軍一鼓平

方回

字萬里號虛谷歙縣人官建德路總管有桐江續集

過臨平鎮

樓船載甲曉開鉦知是何營將校行百五十年興廢
事韓家軍馬戰臨平

大昌曰臨平爲山水之窟實往來衝要也浙江通志分防臨平鎮把總一員外委千總一員有馬戰兵三名無馬戰兵十名守兵七十名驛傳則桐扣司兵五名赤岸石目蓮花司各三名國朝當重熙累洽於鄉鎮兵制已備極其詳臨平其亦巖疆也歟

泊赤岸微曉

今年夏雨水浙右歲事失五月客杭城市民幾不粒逮乎書雲前稍稍喜晴色轉手又不然一雪二十日豈止閭巷窮夫半缺衣食我窮尤自笑亦嘗二千石

臨平記補遺卷四

五

今如故將軍俗眼不見識下舟北關埭泥水何狼籍離披一破傘檉杙兩敗屐俗諺雨夾雪未易得休息大雪復大雨造物詎容詰棹師所見賃修廣僅數尺而我凡五人臥處殊太窄初過皋亭山垂近臨平驛有酒二三壺聊以慰僕廝吁嗟歲云暮何苦事行役馬援壯志已阮籍窮途迫永夜不復眠孤篷滴復滴天地豈不大一葉寄茲夕

後過臨平

岸上頻呼喝船中極蕩搖倒桅將過市落繹爲逢橋蟹斲非羲卦漁榔卽舜韶客愁元歷歷詩思亦飄飄

過臨平二首

臨平山下泛歸船何必荷花五月天記取五更霜
□桂芳橋買小魚鮮

行在名存一夢醒西湖路近亦長亭陳橋驛與臨平
驛興廢何人照汗青

陳高

字子 upper 平陽人官慶元路錄事有不繫舟漁集

夜泊臨平山有懷衍道原上人

泊舟臨平下月出湖水白村墟警羣吠風林振伏翼
遊子多愁思僕夫倦行役開尊欲自醉對酒不能食
緬懷吳中游詎念飄梗迹衍公與吾偕交誼比金石

臨平記補遺卷四

共

別來遙相望何以慰岑寂暫勞東去棹卽理西征屐

吳景奎

字文可蘭溪人有藥房樵唱

過臨平

舟過臨平後青山一點無大江吞兩浙平野入三吳
逆旅愁聞雁行庖只膾鱸風帆如借便明日到姑蘇

癸未春留錢唐巨可大家六月可大歿明年移

家臨平余將東歸因賦此寫懷

去年六月十五夜月明漁浦看潮生今年此夜對明
月淒涼池館難爲情故人夢斷知何處生存華屋含
風露明朝家具載扁舟又向臨平山下住憶昔故人

邀我來談笑白日驅風雷百年未半忽轉燭時移世
改令人哭我家金華北山北堂上慈親年八十要知
生死見交情兩載淹留歸未得孤兒有託女有歸余
亦興懷歌式微悲來縱筆寫情曲九原杳杳心相知
大昌曰此詩非作於臨平然道義爲交悲深宿
草讀之可以風世淹留兩載至其子女有託有
歸然後東返金華景奎不負故人而可久信能
擇友錄之洵足爲臨平增重矣

陳天錫 字載之

臨平書事

臨平記補遺卷四

七

四月臨平路江蓮未著花春山隨客權綠水護僧家
對酒邀新月披襟挹彩霞晚來看畫處飛鷺下圓沙

張觀光

字直夫東陽人
有屏巖小稿

臨平泊舟

客舟繫纜柳陰旁湖影侵篷夜氣涼萬頃波光搖月
碎一天風露藕花香

丁立誠曰浙江通志藝文載此爲黃庚作案黃
庚月屋漫稿與屏巖小稿兩集詩皆相同爲黃
爲張莫考其實如沈記汪藻過臨平二首中其
一別九霄路一首或又爲宋陳與義詩亦此例

惟此詩則月屋漫稿中所無似應屬張詩無疑

鮮于樞

字伯機漁陽人官太常寺典簿有困學齋集

留題廣嚴寺

送客臨平古佛祠聞公房裏住多時
驪歌不見金闈彥濁酒聊參玉版師
龍像彫零餘故塔蚊鼃斷缺有殘碑
藕花未發風蒲短空詠參寥七字詩

留題淨慧壁

野醪醺發氣薰然睡起時驚雪入船
安得鴟夷三百乘空令饒客口流涎

淨慧寺四絕

臨平記補遺卷四

七

寂寂僧房半夢中蕭蕭修竹四山風
惟應門外蒼髯叟解亂儋州禿鬢翁

晚雨纔收日已西石梁沙路淨無泥
清泉瀲灩千峰迴綠柳陰陰一鳥啼

壞壁蒼蒼上綠苔籠紗無復護塵埃
只應枉駕游山客總爲坡仙寶墨來

學道當知髓與皮聖門壺奧要探窺
十年來往臨平道爭信山中有許奇

又戲題廣嚴僧房壁

幾年門外策征驂不料能來共一龕
壁上未須書歲

月褚河南是護伽藍

張輅

字行素仁和人有聯萼集

陪逯西臯入桐扣山家分租

桐扣灣頭暫泊船閒陪杖履過前川好山深似愚公
谷古井猶存孝子泉半綠半紅霜後葉輕雲輕雨日
斜天田家苦受官租急縣吏推門夜不眠

大昌曰乾隆杭州府志寓賢門引西湖游覽志
云逯西臯不知其名元左丞相魯曾孫也占籍
錢唐工文翰有雅趣仕行省都事後棄官居西
湖與張輿爲莫逆交按張輿字行中臨平槎溪

臨平記補遺卷四

六

人見游覽志餘此張輅始輿之昆季歟又艮山
雜志謂逯家亭卽西臯舊居與槎溪相去七里
又據游覽志餘兩湖塵談謂西臯本女真人其
先俱仕金元之世也

唐元

字長孺號筠軒歙人官徽州路教授

臨平書懷時汪謙甫同舟入杭秋試

臨平寺前煙水昏鐘聲隱隱搖山門篙師繫纜古松
下坐對月色波中翻年光盡付旅瑣瑣西風微動菰
蒲根居人燈火自喧雜稍憶學語吾家孫秋田已穫
粳米白浮蛆老甕山妻溫一錢不直客羶冷出門大

類三家村平生心友喜在眼襟期稍許中宵論誰憐
老氣尚耿耿跛鼈強逐南溟鯤

明

陶宗儀

字九成黃巖
人有南村集

送叔明氏甥趙廷宗還黃鶴山

木葉蕭蕭小雨零西風鼓櫂晚潮生江山形勝歸圖
畫今古詩篇付品評乘興漫窮登眺樂懷人不盡別
離情蕙帷黃鶴應無恙此日歸來思益清

周致堯

初名斐
石門人

臨平道中寄京師諸友

臨平記補遺卷四

五

雲外羣山縮翠螺馬蹏長是客中過關河樹色秋光
近驛路蟬聲晚更多千古心期空皓首百年人事等
滄波自慚薄劣頻趨走幾度因風想玉珂

貝瓊

字廷琚號清江崇
德人有清江詩集

臨平道中二首

落日臨平路連山盡向南水聲黃鶴寺雲氣白龍潭
喪亂今誰在幽奇昔屢探湖邊樓閣廢高柳與天參
西施采蓮處所歷已皆非雁度輕陰去人衝暝色歸
甲兵隨地滿烟火隔林微賴有杯中物愁來爲爾揮

蘇平

字秉衡海鹽人
有雪溪漁唱集

寄凌氏兄弟

鹽官城西多故家鐘鳴鼎食紛如麻何如凌君好兄弟孝義由來人所誇伯子風流出人表資稟天然富才藻青山白石卧閑雲夜雨池塘夢芳草仲君平生慕高潔文彩風流更超絕有時洗瓊一作盃斟松泉放浪烟霞勵清節白鳥忘機隨飛影萬頃波光樂吾靜湖曲人傳賀季真山中共說陶弘景傾蓋相逢一傾倒老去論心託交好薛家三鳳未爲奇荀氏八龍何足道乘興尋常過我遊蘭舟夜泊清溪頭彈絲飛觴不知曙洗我萬斛胃中愁爲君高歌聲激烈醉擊當筵

臨平記補遺卷四

三

唾壺缺人生良會須盡歡起舞花前醉明月月落惟憂尊酒空告歸何事更匆匆君家住近林塘路如隔雲山千萬重雲山重重日延竚幾度相思渺烟樹美人不來勞我心誰道相過不相遇日暮歸來見遺迹滿地落花春寂寂新詩吟罷重躊躇一點臨平望中碧

東皋茅屋

原注爲凌樂耕賦

東家有樓高入雲飛甍畫棟凌翬塵八窻洞開貯歌舞明眸皓齒驕青春西家傾資構華屋峻宇雕牆耀人目張筵結客皆豪英橫使黃金歡不足何如樂耕

老人住東墅結屋誅茆蔽風雨不施髹牖樸且堅伐
桑爲樞竹爲戶潺湲流水青山遠縹緲烟霞洞門小
好雨潛滋屋角花東風不翦庭前草神遊鴻濛隘八
區日月爲隔天爲廬有時抱膝發長嘯丈夫何用心
煩紆蘿逕蕭蕭遠凡俗白石清池慰幽獨焚香林下
撫枯桐倚杖溪頭看修竹竹樹參差覆綠陰虛簷兀
坐多清吟吟成閒作金石調始覺下里徒擺揺寒梅
吹香落晴雪偃息蓬窻自超越牀延高士晝眠雲門
掩山僧夜敲月君不見黃金塢膏火焚臍滅爲土又
不見金谷樓綠珠墮地令人愁揚雄草亭甘寂寞子

臨平記補遺卷四

三

淵陋蒼能忘憂多君平生有高趣小隱湖山最深處
松下胎禽喜客來苑中啼鳥留春住慙慙致書索我
歌我才蹇劣將如何便欲造君湖上之烟蘿爲君滿
酌金叵羅酒酣擊節歌一曲碧雲不動高嵯峨人閒
小小富貴不足數芳名耿耿永不磨興來更招采芝
叟與君高卧山之阿

漁樂 爲凌醉雪賦

梅坡先生隱者流萬事不理心悠悠扁舟一葉載孤
興放浪形骸隨所遊有時垂綸釣滄海坐看桑田幾
回改船頭明月還自來蓬底清風不須買有時揚船

鼎湖曲一棹夷猶泛晴綠蕩漾玻璃萬頃秋獨向中
流濯吾足有時棹入桃花溪花紅萬樹迷東西碧巘
參差彩鸞舞丹崖壁立哀猿啼猿啼數聲洞門曉洞
裏仙家隔烟小望中疑有避秦人回首餘音還杳杳
有時鼓枻滄江裏蹴踏驚濤弄雲水憔悴那逢楚大
夫風流不見玄真子長占烟波養高志拍塞胷中浩
然氣靜對青山遠世情閑尋白鳥忘機事綠蓑青笠
芰荷衣筆牀茶竈相因依卻嫌魴鯉登盤細翻怪鯨
鰲墮釣肥會稽之樵以爲友浩歌滄浪對尊酒酒酣
橫笛聲嗚嗚水底潛蛟作龍吼餘音飛空山石裂夜

臨平記補遺卷四

三

犯馮夷水晶闕歸來毛骨猶凜然擁蓑高卧空山雪
君不見嚴子陵桐江遁跡鷗爲盟漢廷物色動星象
千載萬載垂休名又不見師尙父屠釣生涯自容與
一朝西伯載後車勳業封齊耀今古我亦東溟一釣
徒釣竿隨處拂珊瑚側身天地鴻濛外笑傲雲山太
古初知君自是江湖客擬結同心樂清適直釣有待
得天璜未必終身老川澤

荅凌氏叔姪

少年負奇氣挾策遊上京仙家十二樓五城翱翔欲
上青雲行致君堯舜豈無術黼黻治化躋咸寧虎豹

九關不可入胷中壘魄何由平自古鹽車困騏驥世
無伯樂徒長鳴皋比獨擁長安市執經問難皆豪英
笑談往往唾珠玉揮毫落紙煙縱橫低頭不肯揖權
勢五侯七貴爭相迎朝從許史看花發暮過金張醉
月明生前且盡盈尊酒身外何須萬古名登樓慷慨
同王粲傲世踈狂陋禰衡眼看世路悠悠者視之不
若浮雲輕拂衣歸來無負郭獨向青山伴猿鶴黃金
揮盡故舊歡陋巷簞瓢以爲樂魯人猶自小東邱末
俗那堪振文鐸古道衣冠不復存鄉里遺風日蕭索
世人視我同衆人惟君叔姪最相親平生傾倒情偏

臨平記補遺卷四

三

厚十載論文意獨真山中葺屋談詩久溪上蘭橈載
酒頻心事共知同管鮑世情誰復似雷陳乘興扁舟
五湖裏爲憶天涯舊知己放歌遙上吳王臺懷古因
過子游里子游去矣俗尙淳始識南州有高士絳帳
慇懃爲我留日日歸心逐流水回首何爲在離別千
里書來動愁絕秋清老桂懸古香歲晚貞松見奇節
秋風江海賦歸來我欲林泉訪高潔一絲湖曲釣滄
波半榻空山卧深雪

酬醉雪松泉

一別青山會面稀望中煙樹轉依微閑庭暮雨林花

落老圃春香藥草肥鷗鳥忽隨深水去鶴羣長伴白雲飛鼎湖久負蘭舟約幾度孤吟對夕暉

苔凌樂耕

浪迹江湖興倍除雲林隨處醉烟霞池塘有夢生春草梅柳多情變歲華白社題詩懷靖節青山載酒憶侯巴幾回翹首臨平路遠樹微茫隔海涯

與凌樂耕九日登湖山歸途有作

九日登高興倍賒扁舟江上又還家皋亭夜月孤村酒桐扣秋風兩岸花慷慨不須悲白髮風流猶記醉烏紗重經湖曲論交地今對青山到日斜

臨平記補遺卷四

五

重過松泉故居

中天不見少微星塵世那聞有獨醒覓句誰臨松下石草玄空掩竹間亭白雲幽谷人何在落日孤墳草又青林館重來應有感數聲猿鶴若爲聽

鼎湖夜月

原注褚無量讀書處

湖上涓涓月色浮無窮清景滿滄洲光搖波浪孤輪夜影落山河一鏡秋寄迹書堆人已去放歌赤壁客同游姮娥自是多情物時遣餘輝照綵舟

釋良琦

字元璞吳人興教寺僧

過臨平山

臨平山高出雲霧下有澄江帶楓樹煙中漁父叩舷
來竹裏樵兒唱歌去客行輕帆如鷺翰南風小雨生
朝寒荷花浮雨照征袂碧嵐白雲當飯盤昔人經過
詩句好我不能詩空自老客路青山不及登紅塵明
日錢唐道

丁立誠曰良琦住天平之龍門又主樵李之興
教寺楊廉夫稱琦公既究禪理兼通儒學能詩
其餘技耳朱竹垞選明詩綜列其名

聶大年

字壽卿臨川人官仁
和學官有東軒集

過臨平遊安隱寺追次東坡先生韻

臨平記補遺卷四

三

臨平山下前朝寺流水桃花尙宛然禪宇靜依青嶂
月塔埭猶記赤烏年欲從社裏尋陶令誰識僧中有
浪仙安得盡拋塵世事竹爐敲火煮山泉

次海昌凌禎韻

何處重尋避暑宮殘山剩水悵無窮更憐故舊凋零
後誰與林泉嘯詠同詩好未酬青玉案酒香期醉碧
荷筒鼎湖萬頃鷗波淨興在滄洲一曲中

丁立誠曰蘇秉衡詩贈凌氏兄弟叔姪曰醉雪
子松泉子樂耕據游湖賦醉雪子則號孟通矣
又據隱居賦號伯祺者疑卽樂耕也聶君與秉

衡同時此稱凌禎者未知卽秉衡所稱三凌否
臨平多賢於此益見

史鑑

字明古號西村吳江人有西村集

凌平羽要遊臨平湖之讀書堆呈在席諸君子
無量聲光已陸沈書堆猶得住湖心山銜落日天將
暝人鑑寒潭水尙深開塞舊聞關治亂羈遊今幸與
登臨明年擬趁桃花入只恐仙源未易尋

題仲彥暉扇上梅花

錄一

鑑之交於彥暉先生也晚然中間出處離合
不相見者已七十二甲子矣庚戌之秋重會

臨平記補遺卷四

三

於錢唐僧舍先生以畫梅花扇面索題因借
爲喻賦五絕句以復之是歲九月二十八日
也

東風催去別同盟夢裏逢華作送行無奈雞聲忽驚
覺曉霜殘月過臨平

吳寬

字原博長洲人成化壬辰賜進士第一累官至禮部尙書贈太子太保諡文定有匏翁家

集

送馬庭簡赴福甯州判

胸中貯書十萬篇清詩妙墨皆堪傳平生知己有我
在當世幾人如子賢向來六館同周旋石城風月仍

年年青袍徒步赴銓選白日旅舍窮殘編年餘五十
得州佐差勝抱關并乘田眉間乃有毛義喜便道得
過庭闈前上堂捧酒拜家慶紆朱曳玉何須憐秋盡
黃花開未全小春想見江南天臨平山中樂三月雪
晴好泛閩江船

大昌曰馬公爲臨平人見嘉靖仁和縣志云字
從簡與此少異又謂選授興化同知不及福甯
惟乾隆杭州府志作福甯今以此詩證之則係
先授福甯同知故其墓題興化同知馬廸墓亦
始以後任題之歟

臨平記補遺卷四

三

釋戒襄

字子成號平野海鹽
天甯寺僧有平野集

長安壩上河道中

三月臨平山下宿沙棠一舟帆數幅清晨鼓柁看山
行兩岸垂楊春水綠岸上人家挂酒旗幾樹桃花映
修竹路人問我將何之我欲尋師向天目

丁養浩

字西軒仁和人成化丁未進
士官雲南布政使有效唐集

遊臨平山

一聲山鳥催人起幾處佳賓作隊行直上山頭瞻北
闕更於天際問蒼瀛雲拖宿雨孤峯暝柳挾青煙兩
岸清欲共坡仙吹玉笛還從陸羽問安平

景星觀

躡屐登邱山靈雨隨風來陰雲翳白日長途靜氛埃
琳宮敞華宴良朋愜素懷駕言息塵鞅老大且銜杯
臨平管羽士畫菜

南園春雨足土脈發膏腴雖無調羹味終擬入天厨
送姜雄歸臨平

兩年從事客京華幾度曾還夢裏家無地可消今日
恨有情空對異鄉花可憐塵事如秋月卻笑浮生似
海槎我亦欲歸歸未得與君吟罷淚橫斜

卓明卿

字澂父仁和人官光祿寺
珍饈署正有卓光祿集

臨平記補遺卷四

三

游安平泉

結契忻茲游尋山愜夙慕撥棹泝洄溪拄策縱遐步
沿徑入窅窕忽見石幢路泉當廢寺門斟酌元靈露
寥寥異代流脈脈空巖赴爽氣臨清秋涼颼發高樹
寒螿吟荒壁亂篠莽回互疇昔作者誰歛歛黯四顧
余生本靡營觸目輒成趣白日既不停金丹信多悞
禽尙性所愜元談託衷素願言還故區去來了無住

華嚴寺石洞

已著登山屐凌晨宿霧收徑深千樹合洞古片雲留
白日寒猶薄陰崖水自流老僧西域至趺坐對浮漚

許璠姬臨平人錢
暘繼室

新月

三星明燦爛一仰一鉤金似我深閨裏春來夜夜心
曲園先生曰明都穆都公談纂云浙江人錢知
縣暘繼室許氏臨平人名璠姬善詞翰嘗有絕
句鵲噪未爲吉鴉鳴豈是凶人生吉凶事不在
鳥聲中及新月詩云云沈氏詩記所收竟無閨
秀殊爲闕典得此補之庶使人知曹夫人藕花
圖後又有此林下風也

又曰 國朝褚人穫堅瓠集載敖東谷英一日
臨平記補遺卷四 无

山行午飯農家見壁上四絕句意甚警策或曰
晦翁詩也其第一首卽鵲噪未爲吉四句其二
曰耕牛無宿草倉鼠有餘糧萬事分已足浮生
空自忙其三曰翠死因毛貴龜亡爲殼靈不如
無用物安樂過平生其四曰雀啄復四顧燕寢
無二心量大福亦大機深禍亦深則談纂所載
許璠姬絕句頗有可疑其新月一首自是閨人
口吻可無疑也

釋明秀

字雪江號石門子海鹽
人居勝果寺有雪江集

泛舟至桐口

路轉青村合山連赤岸斜夕陽飛燕子茆屋落桐花
晚墅聞孤笛輕舟閣淺沙前峯望不見林暝欲栖鴉
大昌曰桐扣此作桐口音之譌也周益公題跋
云桐扣以張華得名俗云同口非也郭北三山
志云南宋時俗訛桐扣爲同口益公南歸錄亦
言之而宋史河渠志載政和時張閤奏言潮薄
巖門白石北距赤岸甌口止二十里則北宋又
嘗訛甌口也曹氏名勝作桐扣雪江此詩又作
桐口皆屬訛文

沈謙

字去矜仁和人
有東江集鈔

臨平記補遺卷四

三

靈泉井

海濱皆斥鹵遠汲瓶自攜爭水若醍醐一石五斗泥
口燥時荷荷悵然心煩迷月公湯休徒邀我尋招提
東踰赤土嶺石理如虹蜺山迴野寺出列柏自成蹊
靈泉凝玉膏陰竇風淒淒古德昔應光香美孰與齊
一泓沸未已幸不爲涔蹶安平若翻雪遠隔浮雲西
繫思豈勺水掩面增酸嘶

許仁杰曰靈泉之名志乘未見東江著於歌詠
始猶冰谷泉名之爛於紹孔也詩中云安平若
翻雪遠隔浮雲西則此井乃在安平泉東詩首

句言及海濱亦以其在東言也

鑄鐘詞

安平寺前人如林洪鐘高峙青山岑百夫併力大風
急江潮夜吼蒼龍吟須臾火舉若鳴鼓銅精上結爲
白虎山亭藹藹紫霧橫沙樹蕭蕭綠雲吐扶鑪液走
如長虹魯般公輪用力同靈芝大鶴炫奇色巋危驚
覩燕支紅丹梯巖業凌飛閣轆轤千盤鳴鐵索一聲
盡識江南曉落月疏星噪寒鵲

石鼓亭晚步

野岸愁行客危亭噪落鴉川虹愁抱日山鬼夜迷花

臨平記補遺卷四

三

塔古琅鐺語碑殘屢曩斜桐魚焉可識博物愧張華

同張氏兄弟登臨平山

憑高試一臨絕壁俯千尋落日山水澹浮雲天地陰
蕭條望古道忼慷起愁心不遇張華賞誰知石鼓音
同潘美含鼎湖眺望

步履經村塢同行復有君湖晴常抱雨山翠不關雲
漁浦褰裳過農謠隔水聞何當成小築散髮遠塵氛
孟姜泉精舍

小築堪幽憇殘僧解送迎雲來金像涇霜降石泉清
苦茗添詩興寒花亂旅情坐深迷去住松月露微明

楊振鎬曰志稱泉在臨平鎮西一里許家莊東
有孟姜二姓同居故以名泉然以湖稱西子例
之詩云彼美孟姜或稱其泉之美也

自安隱東山至大慈院作

背寺尋歸路藤花岸葛巾松青雲護佛山黑雨隨人
涉澗泉聲苦穿沙藥草新翻令山興熟頓欲買東鄰
平泉小集

乘服旃林集晴秋秋可憐竹涼搖斷壑花雨沸清泉
世事看雲坐禪心枕石眠塵容堪洗濯對此欲忘年
九日風雨登廣嚴寺樓

臨平記補遺卷四

三

古刹開西鎮登游已暮鐘殿秋鳴怖鴿湖雨截歸龍
鏡裏霜初得樽前菊再逢溼雲飛不盡日斷最高峯
安隱渡河卽事

古寺鳴鐘晚輝輝塔日斜瀆堤時避水改路恰逢花
小艇魚爭躍春衣酒更賒勝游君自惜隨意宿山家
月華庵訪石公不遇

雙樹疑無路千峰自掩關杯浮出遠浪燈曉宿春山
禮塔諸天靜鳴鐘丈室閒探幽須異日坐穩不知還
安隱暮歸卽景

東麓吾歸路空林暮色幽竹晴猶帶雨山響忽兼秋

僻性耽佳句無心得勝游後棲鴉萬點磔磔噪荒邱
題雲濤法師泉眼

雲公卓錫地泉脈沸南峰潔並高人愛香堪古佛供
路幽開萬竹夜黑吼雙龍滾滾疑翻雪寒聲亂暝鐘
集鼎湖精舍

勝游不覺遠精舍傍重湖霜冷蒹葭落天高雁鶩呼
息心尊爾佛遺興得吾徒寶鼎今何在光輝定有無
登蝦蟇峰弔胡侍御墓

烏石擁千尋寂寥雙澗深昔人埋骨化石馬在空林
野日慘無色天風時一吟吾生何不樂頽立看歸禽

臨平記補遺卷四

三

孫禮煜曰蝦蟇武林梵志作蛤云峰在臨平山西
安隱寺東以形似蛤蟇爲名胡侍御未詳何名
及時代

荅歸安吳旦生游平泉見贈

吳興才子惜華年惠我新詩又幾篇彩筆千人看白
雪珠林百道瀉紅泉臥當臺殿清鐘斷行伴漁樵落
日偏莫謂子期今世少如君流水最堪憐

新橋

一歲屢經此歸舟已暮鴉童山當驛路野火入人家
塵網心原苦田居興倍賒自今遠城市吾病久烟霞

張爾嘉曰乾隆府志五雲星橋在臨平安隱寺
西五里俗呼新橋橋刻五雲字此跨塘河大橋
長橋宴集觀荷

小宴喜君同高粱烟靄中路沾秋露重月照夜潭空
青雀停蘭漿金壺注碧筒擁鉤魚不上時戲葉西東
大昌曰乾隆府志長橋在臨平鎮西安隱寺南
港口

出鶴峯憩留月泉

精藍春已半物外恣盤桓壁峭雲應凝泉幽月更寒
煮茶然野竹脫帽坐風湍底事忘歸去深知行路難

臨平記補遺卷四

三

晚過廣嚴寺悼馬侯玉

孤館重經菊已殘婆娑雙樹倚禪關鴻偏向北時逢
雪日欲沈西故滿山此地論詩真死別幾人流寓得
生還憐君面上三年土吹過青霜草色斑

過冰谷泉尋郭伯翼太學山舟故址

太學荒園野渚濱草花零落又逢春溪田茅屋皆新
主水色山光見古人隔世鶴形終自化盛時龍性亦
難馴我來徙倚空揮淚頭白衣縮媿隱淪

月華寺同洪思昉作

古殿崩摧徧白茅雨淋龍象尙包然客心日晚驚狐

火佛髻年深戴，鷓巢寂寞塵沙悲。世遠蒼茫雲雪待，
春交瞻鳥接翅歸。飛急而地藤枝，腎竹梢。

晚同毛穉黃游景星觀

峩峩仙觀倚層邱，重過眞成汗漫游。瑤草不知紅日
晚，乳泉常抱碧山流。烟寒虎守千年藥，客久人驚五
月裘。名在石臺君不忝，夜深笙鶴正堪留。

徐子大寄鼎湖雪泛詩遙有此荅

嶺梅香動臘初殘，仙侶移舟興未闌。雪後玉笙偏愛
暖，月中貂錦不知寒。書來兩地空相憶，賦就何時許
並看。舒國風流誰繼武，古臺烟草日波瀾。

臨平記補遺卷四

三

夏日游景星觀

蒸暑耽林樾，凌晨叩葦宮。五烟青嶂裏，三洞白雲中。
鼎峙存金虎，花深引玉童。飛梁時灑雪，陰井欲生虹。
息踵思還祕，忘形道始崇。卽如逢赤斧，奚更訪崆峒。
沙茗甌中綠，盆荷枕畔紅。塵囂從此滌，臺殿滿靈風。
同徐襲祥鮑芝蕃集鼎湖精舍

攜杖堪逃暑，精藍宿雨霑。窮途同阮籍，高興且陶潛。
方外心常愜，人中禮不嫌。荷香元抱枕，竹翠欲遮簾。
野鴨雙雙沒，遙峯箇箇尖。病因憂歲晚，貧不悔官廉。
菹筍隨時供，搖蒲盡日淹。客懷怨白眼，僧臘驗霜髯。

湖水常參酒園梅少著鹽談空發深省落日興逾添
潘公闡觀漲

雷震西山裂官河水沸騰魚跳如滾雪半夜集船燈
山曉禪師至佛日過訪有贈

都門昔日演三車來看江城雪後花松樹漸能過碧
殿乳泉依舊繞金沙行逢勝地還宜住病覺浮生亦
有涯石鼓千年今更扣何須博物待張華原注佛日
有石鼓師
蜀人也

臨平竹枝詞

臨平山上草萋萋臨平山下日色低兒童莫打慈烏

臨平記補遺卷四

美

去正是丁家墓上嘯原注山西有
丁蘭母墓

安平冰谷水悠悠不管傷心日夜流那得雙泉俱變
酒將他澆盡古今愁

大昌曰東江集鈔王丹麓北墅竹枝詞序予家
墅東北五十里有臨平湖亦撰二十篇雖不敢
附於丹麓之所作然首詠丁蘭次韓蘄王若有
同心今集中只此二首其一正詠丁蘭未知是
否卽所云之二十篇也

新晴同鍾師夏過安隱寺

西郊春雨歇古寺况幽期白髮悲行樂青山厭亂離

泉香僧茗熟石立徑花垂不謂風塵裏悠悠共采芝
丁立誠曰此詩見東江手書詩卷吳氏杭郡詩
輯小傳載詩卷自跋云庚寅四月二十三日四
鼓過寒山曉月映塔流屍觸船余披衣起視悲
愴欲絕流離之苦大畧可見天明因錄本年五
言律四十四首聊以當哭餘體不及備書緣警
悸顛掉筆勢欹斜不足觀也以東江集檢對三
十七首未刊入集今就錄二十首梁紹壬兩般
秋雨盃隨筆云是卷藏塘棲金氏曲園先生賓
萌外集沈東江手卷記畧云雨香金丈旣切梓
焉

臨平記補遺卷四

三

桑之敬兼深文字之緣重付裝池廣求椽筆云
云庚辛兩劫此卷存否不可知矣此詩則吳氏
所錄二十篇中之一也餘十七首更不可復得
焉

附詞

宋

吳文英

字君特號夢窗慶元人有夢窗藁

贈藕花洲

聲聲慢

六銖衣細一葉舟輕黃蘆堪笑浮槎何處汀洲雲爛
錦浪無涯秋姿淡凝水色豔真香不染春華笑歸去

傍金波開戶翠屋爲家 回首紅妝青鏡與一川平
綠五月晴霞蘋玉杯中西風不到窗紗端的舊游深
意料采菱新曲羞誇秋激灑對年年人勝如花

葛立方

字常之丹陽人有歸愚集

七夕游蓮蕩作

多麗

破波光如鏡三翼輕舟對雨餘重巖疊嶂何妨影墮
清流望芙蓉渺然如海張雲錦掩映汀洲出水奇姿
凌波豔態眼看一葉弄新秋恍疑是金沙池內玉井
認峯頭花深處田田葉底魚戲龜游 正微涼西風
初度一彎斜月如鉤想天津鵲橋將駕看寶奩珠鈿

臨平記補遺卷四

三

初抽曬腹何堪穿鍼無緒不如溪上少淹留競笑語
追尋惟有沈醉可忘憂一聲檀板驚起沙鷗

大昌曰郭北三山志云蓮蕩見楊誠齋詩及葛
立方詞卽臨平一隅所謂藕花洲者今檢歸愚
詞不畧臨平二字而詞中有云金沙池內卽夢
梁錄所稱金沙泉也詞屬賦臨平無疑

汪元量

吳江秋夜

滿江紅

一箇蘭舟雙桂槳順流東去但滿目銀光萬頃淒其
風露漁火已歸鴻鴈泮權歌更在鴛鴦浦漸夜深蘆

葉冷颼颼臨平路 吹鐵笛鳴金鼓絲玉膾傾香醋
且浩歌痛飲藕花深處秋水長天迷遠望曉風殘月
空凝竝問人間今夕是何年清如許

明

沈謙

月夜泛臨平湖

寶鼎見

烟濤暗擁遠岫微露深幽無極誰忽把纖阿推上皓
彩團圓生几席吹錦燭正徐開畫舫莫奏中流哀笛
喜寂莫魚龍夜靜上下水天俱碧 寶鼎今日猶爭
唱赤烏人盡去無迹歎爾汝一杯相勸青蓋如烟何

臨平記補遺卷四

五

處覓喚不醒醉臨春千尺降作佛奴何益便痛翦嬌
嬌雲髻怎救臙脂狼籍 詞客爲歡且游賞漫辭涓
滴羨沙邊鷗鷺不管人間今昔露下翠幙輕寒隔山
玉頰無力擁繡被早是雞鳴斗柄垂垂堪摘